

元

憲

集

二





元 憲 集

二

朱 庠 撰

元憲集卷十

七言律詩

池上春物已爛漫寄東甫

春物昌昌曲沼門。已宜留客置芳樽。柳絲到地烟無力。花臉迎陽露有痕。歌待瑤箱驚幕燕。舞留紈袖付庭鷗。清明元已俱堪會。莫遣香槽玉液渾。齊中酒名玉液者爲上。

漢上春雪呈郡太守

春草江南瑞霰霏。溪山千疊共清輝。林繁不辨妝梅落。川秀空疑月蚌歸。夕苑繁叢聊自舞。橫塘拂水更低飛。民疇賑債農祥近。壤有堯歌絕晉饑。

贈職方齊員外

霄極郎星護帝垣。出分魚竹袴歌喧。郵通五尺秦人道。吏擁雙朱漢守轡。粉闥荀香虛舊帳。鈴齋滃舞醜清樽。歸來何處應嚴召。振鷺神庭鑄馬門。

春季開無畏靈塔祈雨至夏初霧洽

春晦西峯鴈塔開。香雲清梵徹昭回。初疑咒鉢降龍出。終似軍持注水來。師嘗請雨見觀音大聖在日中淨瓶也。事具李邕叔碑。百穀根莖流慧潤。四郊氛祲卷陽災。守臣無狀均靈貺。如驗元非贊變才。

五鼓度洛水謁九龍祠禱兩馬上作

跨陌津橋十里亭。前驄橫絕犯嚴更。銀河蕩漾斜垂地。瑤斗闌干倒倚城。苑闊樹頭迷闕影。川長烟外認

灘聲。農疇閱雨心祈切。上盡叢祠日未明。

龍祠在洛北絕高處。

未曉出城陪州長考功李員外禱雨大悲禪刹

城上繁星五鼓初。江臯申禱訪精廬。林回半隱翔鴛刹。野闊平飛畫隼旗。十地真容陪合掌。

記傳此像乃唐時神人所

畫經今二百歲如新。俗疑菩薩之真相。

百城甘澍待隨車。先秋閱雨農心樂。宜在麟編直筆書。

次韻和龍圖何學士以榮憩鄉州有感舊見存之作

昔歲西都餞使旗。今茲何幸復相依。潁川士族占星聚。

君諸昆軍從許昌僞望。

遼海鄉人看鶴歸。乘塞惠風消戰略。

論文精辯破談圍。衰翁不敢言恩舊。但惜忽忽別袂揮。

題鄴城張氏林亭

今樞府舊隱。

里占西豪族望雄。一隅幽槩揜隆中。彩鴛戢翼高梧在。蔚豹成章舊霧空。冷接安齋投轄井。細生吟樹快襟風。謝庭羅宅資真賞。蘭有清芬菊有叢。

夏日北溪亭上

羲輪亭午燦炎威。溪上軒牕匝翠微。野澤蒲深初類堞。壞垣苔老半成衣。爭花晚蝶縈叢住。避弋驚禽截浦飛。一袵雄風消內熱。高門無意事輕肥。

次韻和吳侍郎游旼雅篇

儁輔西還玉體痊。銀臺歸興且陶然。談經寶序常迎日。講筵在迎陽門西之西序。膝席清司最近天。資政殿在龍圖天章二閣之間。深嚴

第一君拂翠綵朝右貴。我驚華髮鑑中鮮。洛都巴徕雖求舊。莫累陽春一種傳。僕嘗因寄詩羅高二公為匪人告謗。今蒙垂諭。云洛中酬

唱人多。傳誦無乃更累清唱耶。

次韻和資政吳育侍郎見贈

台階抽得冒榮身。且喜西都見故人。儀世瑞鸞曾接翼。君兩使內樞。一參大政。僕並叨陪接。論交寒柏不知春。樽前高意青

雲舊。鑑裏流年白髮新。爭奈詔書催上道。談犀從此日生塵。

次韻和新命留臺吳侍郎自適之作

謝病彌年歎偃牀。知君靈氣本無傷。論筌自識忘筌意。失馬終為得馬祥。心到不貪方是寶。物歸何有即

名鄉。西都老尹歡迎近。預喜遙臨照席光。

送寶員外失職掌廩于沙苑牧監。寶君工左人。有別墅在關中。

平臺飛雪欲成花。有客西征感鬢華。內史江蓀空入夢。下邳羅雀此還家。鴻聲不斷關雲黑。角弄初休隴

月斜。駟牧未妨稱吏隱。田園自有故侯瓜。

送謝屯田徙治富順監

綠髮仙郎冠鬢髭。懇田分土漢家曹。詔頒紫檢瓊芝熟。歌闋青天劍棧高。巴苒溢盤馨畫饌。郫筒環席薦

春醪西征自叱忠臣馭千古王尊直筆褒。

坐舊州驛亭上作

亭下是梁山泊水數百里

廢壘孤亭四面風。座疑身世五湖東。長天野浪相依碧。落日殘雲共作紅。漁缶回環千艇合。泊中漁舟數百艘各擊瓦缶以驚魚然後巷蒲明滅百帆通。泊水無岸行舟多穿菰蒲爲道舟人謂之蒲巷恍然歸興無人會。閒向青冥數塞鴻。

送石舍人賜告還鄉

內史清班近侍臣。過家恩告日俞新。郵中別夜星催曉。殿裏歸年樹約春。還朝必在來春矣幾日詞垣棲健筆。九秋朝橐冒征塵。西州歸馬歡迎處。定有臨邛負弩人。

和吳侍郎自陝歸闕

幾日星催召節飛。迎車千蓋溢郊畿。秦城璧返蠅休汗。軒閣巢高鳳始歸。兩憩甘棠歌美化。重攀溫樹悵流暉。因君更感忠虔意。夕夢翩翩遶帝闕。

送伯中尙書學士歸闕

故人同省復同班。且喜先歸奉帝鑾。居守乍拋留宅鑰。造朝重拂寶梁冠。仙楹夕鶴通廳馭。祕廡晨暉轉露盤。我有寸心空戀主。捫膺難把向君看。

酬王拱辰侍郎歸闕見贈

儻譽由來服搢紳。更煩餘略霽邊塵。威留玉帳時無戰。班入金華地最親。昔看草辭知大筆。今榮除館識

嘉賓一章求舊人知否。媮俗都融郢曲春。

送虞部元員外赴闕

泥檢封香喬露濃。漢庭新冊潁川功。朱轡按俗麟符郡。青被爲郎斗籍宮。儉幕卷雲賓履隔。郢樓翻雪餞壺空。明光伏奏前期近。備對芳蘭溢握紅。

送苗郎中出漕江西

幾夕燒熏歇被綾。東南使部望前旌。武泥給板言如綽。漢庾臨波粟似京。露橘千頭豐歲籍。江鱸百尾飢盤鯖。計籌暫爾煩經畫。囊橐行看用老成。

和致政王子融侍郎喜昭文龐相公登庸

感會由來屬雋賢。誰知出處更相先。蒲且卷弋冥鴻日。荀令開池浴鳳年。佚老疏金催具酒。濟時商楫正橫川。高風盛德俱難狀。留與名山信史傳。

送職方張員外領荆湖北漕

粉闥仙郎鬢未秋。懿文精力允僉求。新榮毫忌祠神館。君曠受詔建太一宮于左宮成而拜是命更按喬卿露冕州。楚匭貢茅紛騎置。蜀艘移粟蔽江流。富人緩役承平士。肯學研桑苦運籌。

送孫刑部領漕并部

百舍星文動使軒。漢家初賜辦裝錢。犀株衛帳并兒勇。鵝髮迎塗絳老賢。歲稔萬箱資轉粟。時平三策罷

開邊中宸圖舊恩方渥。幾日從容武帳前。

九日南陽與諸公會

慷慨霜華六幕空。丹莢成佩菊芬叢。香浮彭澤仙巾酒。影落龍山宴帽風。詩筆娛情真泣豆。舞腰回節更驚鴻。夕陽曉榭愁重顧。不見春陵舊鬱葱。

無題

西峙東流意欲分。紫簫呼鳳隔煙聞。書因屢答機無素。夢爲頻驚峽費雲。羽帳枕寒晨未轉。玉樓衣冷夜還薰。琴鳥一曲何曾聽。七十鴛鴦失舊羣。

詩寄河陽夏侍中

勤勤書札問青氈。鄖水逢知似曩緣。方外之談。愚不敢執。輒寄疑似以銘幸會也。海燕不忘棲廈日。霜松寧有改柯年。陪京玉節諸侯上。坐省華貂百辟先。朝夕公歸領冠劍。定應偏作故簪憐。

和答并州經略大尉相公元日見寄

邊亭春色感離居。猶記衰齡本命餘。公自記年論本命。引劉自相賀之篇。足知意愛之厚。樽味阻陪曹相國。帶圍空老沈尙書。僕每俱卽進秋。六曹尙書。今忝五矣。軍中鼓吹千蹄馬。將府勇重。物外風煙一壑魚。哀懷所嚮。幹棟不材須適分。願公容我作莊樗。

贈潯州朱祠部

粉署郎潛已十年。囊毫奏議委千篇。恥論頗牧雲中級。去詠齊夷海國泉。路控驛疆逢瑞翟。氣收炎浦見

飛鷺鈴齋宴坐眞腴盛。幾種天花落帳前。公妙達空諦而蕭習持誦高于當時矣。

次韻和判曹韓學士見賞湖山

西溪本慰寂寥人。何幸開樽枉勝賓。一岸仙山平壓野。岸西遠見嵩少。近見具茨大隗。兩陂官柳綠圍春。我雖酩酊能騎馬。君自風流偶墊巾。更愧和篇尋故筆。試開荷橐久生塵。

小園秋思

年華搖落自騷騷。衰境牽人更畔牢。月裏驚烏愁夜永。篋中團扇恨風高。煙霏曲霤蜘蛛織。氣襲空階蟋蟀號。恩重才疎歸計晚。可憐身世一鴻毛。

三月晦日夜坐有感

城頭吹角亂昏鴉。坐敞空樓感歲花。遙電不知何處雨。狂風還送一年花。洛橋禊席隨流水。箕嶺仙巢倚暮霞。出處半生雖未決。歸心常傍故侯瓜。

送廣州劉掾

督府迢迢瘴海城。掾曹三語藹蘭馨。歸郵託信梅華暖。仙劑獨疴薏子靈。蚌月射樓吟思苦。雞潮驚枕醉魂醒。外臺誰舉沈僚俊。編著黃堂有政經。

溪齋春日

問君何事拙謀身。竹塢溪齋養鈍人。白鷺儀形閒照水。野鷺言語亂嘲春。半生已悔嬰朝紱。萬境方將付

客塵自笑經旬無宴具。對花孤坐嚙瓊津。近有客教予餌氣之術。暇則爲之。

奉和御製賞花釣魚次韻私賦時在榮陽

祕苑神池帳殿開。鈞陳遙衛斗車來。柳舒瑞霧迎僊蹕。花獻天香八壽杯。戀藻文鱗爭聚散。聽韶丹翼剩徘徊。朝簪盡慶千齡會。薰曲汾歌卽席陪。

送齊進士奉章闕下

傾坐仙姿揜石麟。奉章車府應觀賓。謝庭早占芝蘭族。禹會初陪玉帛臣。削牘西清催筆距。賜衣中禁換袍銀。東歸待看榮鄉品。年似終童祿及親。

送將作監丞張唐卿通理陝州

春風祕殿翳華芝。親見枚臯作賦時。秀色並開棠樹萼。雋科先賞桂林枝。漢郵給傳蕃恩告。蜀醕浮觴薦壽祺。幾日陝郊迎郡副。車前懸弩雜軍麾。

郡齋感懷寄呈參政給事同年

老持藩印守河衝。苟祿惟知戀軾熊。游舊最叨青眼客。延陶今仰黑頭公。巢由逸躡心空斷。儒墨常談耳欲聾。自笑晚年經濟業。焚香靜坐習元功。

郡齋無訟春物寂然書所見

關鈴無響晝輝遲。短髮山中盡日欹。戰蟻羣行開蟄後。暝禽相語欲棲時。遙通寶水添新溜。密數庭花記

落枝。訟息寬條恩莫報。晚年餘有白雲期。

自洛移許初至郡齋作

忝司宮鑰忽三年。恩借閒州得潁川。楚北蒼茫軒后野。國南膏沃許人田。漢臺喪鳳今難繼。荀里占星俗尚傳。更賴鵬陂能慰我。鈴齋西畔似江天。

待罪書館無所自效客有以尸素爲諛者因成答詠

本媿虛名類斗箕。更堪華閣玷纓綏。海邊不覺飛鳧少。天外寧知嚇鼠飢。倦客風霜嗟右席。故巢煙雨老南枝。新年定有澄清勅。歸守東岡固未遲。

喜晴晚歸

八月高空卷斷霓。落霞殘照掖門西。仙城氣暖猶藏霧。輦路塵清不雜泥。殿裏風回聞禁漏。闕邊雲斂見丹梯。迎寒便立甘泉仗。扈從應無七聖迷。時大禮將近。

醉枕

楚辭虛美獨醒賢。左手香螯伴醉眠。國器載歸壺似腹。江萍興罷暮爲天。雪樓珠麗巴人曲。芝館塵生洛浦田。晝枕蝶魂方適興。莫教瘖意傍鷗絃。

贈石龍趙山人。

衰鬢星星倦折腰。十年歸就故山樵。臨江徑壞茅圍屋。潁水風清樹厭瓢。防蠹舊編栽竹牒。獨疴珍劑訪

芝苗。露文謀。食機心盡。試爲勞生論。炙鴟。

晚坐高明臺

悔倚危欄望夕霏。臨高無事亦依依。天長去鳥幾時返。風罷孤雲何處歸。一世功名慚擊節。百年耕鑿願忘機。銜恩感舊誰能免。猶喜荒洲在日圍。

明堂宿齋賜貢茶珍果上樽御膳

太寢陪祠宿斗城。龍頒通夕助齋明。吳包瑞果金衣潤。閩焙春團寶月盈。滿腹鴟騰催御酒。溢杯羊峒識君羹。甘滋飽德殊無寐。坐數章溝肅唱聲。

季秋侍宴中闕與諸公憩學士院作

冠劍中休會禁局。暫欹孤枕拂雲屏。漢臣責重非真醉。楚客秋高恨獨醒。寶墨喜窺前賜榜。太宗飛白玉堂之署在焉。華條猶記舊呼鈴。詔催終宴簫韶動。更學鷄鷄子細聽。

屏居春日

初服仍從洛浹居。鳴蛙鏡吹滿前除。露園柘彈愁逢雀。礮渚璜鈎枉餌魚。蠟屐幽懷高下齒。斲輪真想古今書。漢人尙自嘲頻解。猶得疑神守泊如。

元憲集卷十一

七言律詩

休日

彌旬出沐道山頭。傲庶蕭蕭避俊游。枉是胸中無塊壘。可能皮裏有陽秋。駕車款段慙鄉品。託乘鴟夷笑客愁。曲突無烟賓坐冷。時聞庭雀一啁啾。

晚坐觀風亭三首

戍樓西北最凌空。倦客憑闌八月風。一曲黃河連野濁。半規殘日背人紅。山林枉負沉冥志。刀筆終無尺寸功。猶喜不迷存闕地。絳英瑤斗虎牢東。百尺空臺河上城。遠波虛籟助秋聲。過窮旅鴈書難得。啼殺飢烏曲未成。急節何當容白髮。流塵只欲傍華纓。臨高莫訝頻東顧。憂國思君不爲名。我來秋色逼霞曛。更作憑闌遠望人。山口遠銜遙白渡。水頭斜略小平津。年華有恨驚心去。世事無端刺眼新。深愧具茨芝朮在。掛冠終擬狎堯民。

謝齊屯田見惠詩什

東家華袞屢垂褒。傾耳幽蘭郢唱高。雪苑曳裾慙賦客。春塘飛筆見詩豪。千金秦市文終貴。九奏鈞天夢

自勞他日海槎如犯斗。願將孤跡託星曹。

和答越州呂鄉見贈之作兼以爲別

綠髮仙郎得郡新。潁川重喜拂征塵。樽前道舊情無改。馬上裁篇筆有春。萬里江山迎使旆。九門冠劍別朝紳。請君更讀韋平傳。莫把家聲苦讓人。

次韻和宮保龐丞相見貺之作

歲陰誰不感摧頽。更值亨衢出處催。根柢只堪陪櫟社。功名何足玷雲臺。覽窮文史篇章勩。過盡榮華老病來。宮袞裁詩褒意厚。昏矐刮膜喜重開。

次韻和太常韓博士寄獻留臺吳侍郎之作

藥七獨疴去近班。主臺西邑借餘閒。梢雲翠色凌霜罷。巢閣仙姿瑞世還。秋沼縈心林下水。曉樓供目雨餘山。公里第有四
沼北樓之勝更逢酬唱俱清潤。冰玉相輝感苑間。

和吳侍郎答汝州諸官唱酬之作

青管裁篇屬舊僚。廣歌奇意亦飄飄。橫微曲妙誰逃賞。過物風清盡應簫。此路煙霞催入洛。他年簪笏慶歸朝。乘秋不奈多高興。重取蘭薰答楚謠。

府齋秋日

卷帷收扇暮涼初。秋意盈襟小疾除。池面宿煙荷蓋老。階唇漏日竹陰疎。虛舟觸物真無意。高枕論才似

有餘學道知非堪自哂。眼昏方讀貝多書。

梅

花落亭亭素臉開。忍寒剛欲背春來。已迷江令瓊花樹。更傍周王璧水臺。楚館嬌雲愁夢斷。洛塵香雪待風回。一枝寄遠真何益。費盡南朝陸凱才。

趙奉禮見過

經年掩臥席凝塵。載喜西都接賦賓。照坐仙姿霜玉冷。醉心英氣瑾醪醇。斑衣就養垂華組。葆髮傷秋岸幅巾。更謝妍談殊未已。肯將車駟諒原貧。

歲暮答趙奉禮

蜀瘠平日掩芳樽。星箭年凋景易奔。天遠斷蘆催序屬。庭空飛雪妬離鷗。顏瓢枉樂堪憂巷。漢履猶思待詔門。月暑仙郎多麗唱。苦嗟池草久迷魂。

送趙奉禮

日出東郊郢路分。斑駘嘶嘶悵離羣。漢庭習苑仙曹遠。楚驛攀梅使綬薰。蟻酌百壺凝桂溢。鶻歌三闕轉珠聞。登臨如賦蘭臺事。十二峯前盡有雲。

朝謁應天神御瞻仰壯麗退憇齋房作

時朝廷重葺三殿畢功

雲構崔嵬敞梵筵。皇家基運此興先。如存不改當陽坐。善護常開種福田。四徹金繩規寶所。九衢瓊樹宿

非煙須知補舊延洪意重數仙人拂石年。

晨謁感懷

早拂華簪謁冕旒。五更殘點便鳴騶。星沈長樂鐘聲外。月掛觚稜闕影頭。弱翮詎堪儀振鷺。孤懷終欲信羣鷗。更慚晨坐鴻樞府。容鬢先于省樹秋。

晨謁書所見

紺憲鳴珂萬蓋翔。九門冠劍擁晨光。城連南北長安斗。殿倚東西太極堂。雲裏銅烏風作籟。天邊金掌露成霜。微生備位如葵藿。只有傾心奉聖王。

受詔同編修敕令終篇例賜勳一轉謝參預東平會稽二公

法家高議集朝綏。成績連茅被帝暉。均賞已知羊胃爛。銘恩偏覺鼠肝微。泥塗枉入鴻鈞用。腹背還憑逸翮飛。天祿半生瘡眩病。猶堪持帚掃朱扉。

送巢邑孫簿兼過江南家墅

楚客才多不奈秋。長安赴集苦淹留。半綸綬采縑塵化。十幅帆陰素潦收。離恨枉能寬帶眼。歸期猶喜詠刀頭。督租勾簿真沈俊。終冀梁臺一召鄒。

流杯小宴偶成拙詩奉呈運使王密學紫微韓舍人

溪齋元已得嘉賓。曲曲煙渠逗翠淪。潑火乍經三月雨。泛觴重記九年春。山陰之序在永和九年。風前小舞驚餘雪。

梁外清歌落暗塵。此會貴交應絕擬。斗樞星掖兩賢臣。

春晚獨遊沂公園

幾曲鳴溪抱嘯臺。陰陰野氣壓浮埃。林間幽鳥自相語。水上落花何處來。逃相故畦無廢汲。封侯修竹是元栽。三川病尹妨賢久。終卜鄰扉養不才。

送李祕校赴太平法掾

沈臂驚秋肉減分。曉波衰柳對離羣。臣飢枉索中都米。卿事猶參下國軍。三襲賦臺拋苑雪。一廛鄉樹辨江雲。坐曹少茹徒勞歎。南闕千霄遲獻文。

送黃秀才歸淮西

驪駒黃鵠兩成歌。卽席愁顏慘未酡。舊客仙壇紅遶杏。怨魂春水綠生波。締交英域銀袍麗。宴族詩庭玉樹多。簡牘三千行自鬻。漢家鼇闕鬱嵯峨。

歎張緯

嶠外歸來白髮新。胷中無物有經綸。局當轅下驂騶足。倚著門邊骯髒人。風雪又殘梁苑歲。煙蘿誰管楚山春。由來榮悴多如此。莫爲前薪怨後薪。

洛京王尚書學士寄惠牡丹十品五十枝因成四韻代書答

十種仙葩各有名。相逢暫似到周京。簪端珥萼頭雖白。酒面含華眼更明。風暖天香吹不斷。露深宮綵洗

初成。慙慙數盡千重葉。未抵銜恩感舊情。

和運使王密學西亭未開牡丹

新年西圃帶輕寒。芳意含華洽客歡。瑞露只知催灑錦。朝霞猶欲隱乘鸞。暗期玉葉蜂窠潤。偷覓天香蝶粉乾。應爲主人恩不淺。併留顏色占春闌。

小園春晝

日永春殘陋巷深。四隣蕭寂小山林。張羅門外人驚爵。仰秣槽中馬聽琴。燕坐角巾移竹影。野談爭席占牆陰。灌園本是三公事。色侶閒舒傲世心。

和中丞晏尚書圓丘觀禮

三襲觚壇夜未央。金支蟾彩共熒煌。鳳輿遙憩墀門次。翟尾交分梅路香。星魄媼神聯紺席。文宗武祖侑瑤觴。萬靈醉止純休集。方信周家駿命長。

陰晦殘春可惜二首

園林春去自無歡。宴幕經旬掩客盤。霧野關河非意失。曉樓風雨不時寒。空梁燕濕休矜舞。曲沼蛙鳴且爲官。嵩少歸心堪悵望。紫芝頽桂老瓊巒。

柳長花歇夏雲初。幽圃尋芳但綠蕪。不分伯勞隨阿母。生憎蚊蝶効當塗。昏沈嶺霧吞斜日。寂寞溪煙壓翠蒲。欲拂琴徽銷客恨。啞啞城曲已啼烏。

同萬秀才譙楊侯別墅

苑路輕騷拂曉霞。斗城南畔列侯家。臨邛貴客傾中坐。時一二貴遊借集。漳水詞人記後車。一石蒲桃先載酒。萬株金谷正交花。風光不減蘭亭會。醉墨憑君紀歲華。

過漢洛陽故城在今城東十八里。

漢家遺堵滿山川。六里東西遂渺然。洛陽記漢都城東西八里。南北九里。今舊趾猶然。寒日似愁圭影地。秋風眞作黍離天。五株杏發陵無邑。一項茅荒井失田。更歎道邊多棄骨。可能猶爲直如弦。

送紫微夏舍人徙治洪州

方底丁寧細扎書。豫章都會冠全吳。垂腰三品龜銜綬。衛帳千兵虎刻符。藥省樹翻拋賜筆。練江波靜見還珠。西山五色多仙餌。鈴閣無聲道有腴。

立春前二日嘉雪應祈呈昭文相公

皇心精禱動昭回。嘉雪乘時弭歲災。先作飛翼隨臘舞。便含膏澤趁春來。天淵百頃移星漢。禁籞千枝傲嶺梅。一曲巴人雖下里。願持歡意助康哉。

北臺

古丘危磴接雲梯。遠目臨高意自迷。千里綠蕪平野北。半邊紅日亂峯西。臺傾鄴苑多殘瓦。鳳沒漳河失故隄。近塞春郊無勝事。跛牂風馬滿山溪。

曉出城祀風師壇馬上作

風穴靈壇背漢臯。肅將祀典會諸曹。城頭五鼓催關鑰。席上雙籩薦沼毛。冠嶺昕霞迎霽旭。冒疇農概濟春膏。箕揚畢好宜流惠。江外刀耕楚俗勞。

漕渠春臺

縹陂春色極晴虛。新水遙連六輔渠。沙上釣歸人獲鷓。梁邊觀罷客知魚。蒼浮樹影煙生後。紅皺溪紋日側初。刮目暫成江海趣。狂奴終憶越灘居。

和朱舅暮春積雨

沮洳江雲寂寞春。一軒風雨歎彌旬。灰殘淮館蟾韜暈。石去湘陵燕濕身。委路落花紅罷舞。傍樓低柳綠爭繁。蕭蕭枉結年華恨。愁煞西州掩鼻人。

得許六書

車笠論交夙契深。文麒江海獲歸音。流光過隙偏驚駟。危睫沾衣不爲琴。甯扣幾勞歌白石。莊昏猶欲注黃金。無因一答瑤華問。南國洪喬牘易沈。

馳賀監稅齊都

溫詔封芝出帝居。祕曹星秩示優除。舜庭已茂三年績。魏謗初銷一篋書。丹地拾遺思汲黯。中宸批草待和如。前期雀屐無因戀。歸從清塵六尺輿。

次韻和吳侍郎任宗伯貳卿冲卿領天官南局皆世職有感〔案〕貳卿冲卿文不甚明疑有訛脫
斗宮分局做星闈。伯仲登賢士論歸。奕世弓裘方善續。先春跗萼更相依。孤鴻暫作雲衢驛。三鳳行看帝閣飛。戚苑好書餘慶事。一門仙棗映朝衣。

西齋見雪寄呈靖彥惠

歲陰休沐坐空齋。集霰飄霏次第來。仙粉有痕綠幌入。亂花無數覓叢開。故裘禦濕便羔袖。凍醴扶衰藉藥杯。向暮紛紛何所擬。謝家兒姪有清才。

和中丞晏尙書和答十二兄夜歸遇雪之作

有客天街夜轡還。霰花無數拂雕鞍。路疑西極瑤池近。人似南朝鶴氅寒。漏鼓傳聲催暝色。麴車迷轍寄餘權。塤篥雅韻皆多感。偏覺陽春再和難。

和中丞晏尙書乘輿宿殿致齋日巡仗遇雪〔案〕宿存下未著殿名原本脫誤

十里甘泉鹵簿新。卽時天借雪清塵。光含九陌疑無暝。花拂千旗旋作春。夾路綵樓偏著粉。中天曉闕更成銀。絳騶案仗傳呼盛。寧似梁王不悅辰。

初春夙興

戍城官柝應營笳。愁枕無眠感曙鷗。料峭風頭猶助凍。蒼涼天角欲成霞。離離奕局殘星墜。脈脈刀環片月斜。尙喜初年輕病骨。半簪蓬影況蒼華。

送令狐揆南游

楚澤離愁不避春。柳梢梅萼送行人。
綠波易蕩銷魂水。紫陌難遮拂面塵。
道困秦儀猶掉舌。岐多楊阮始沾巾。
劍維脾肉無窮恨。羞向耕疇獨問津。

己巳孟春二十六日作

糾纏空驚禍福頻。沈舟未拯更摧輪。
山頭枉是輕廷尉。天上何容著蹇人。
南國祭幃堪畏楚。東門獵犬尙尤秦。
當塗莫竦支離誚。坐受朝家十束薪。

致政張郎中惠親畫墨竹二幀以詩爲報

南宮仙老本多才。素幅珍紈繪境開。
高節自緣心匠出。野叢還擁筆端來。
挂餘粉籜疑飄席。玩久風枝欲掃苔。
俗眼莫驚無藻麗。歲寒顏色抵瓊瑰。

送孫記堂出宰歸安

當年壁馬上荆臺。曾識長離婉婉來。
巧智忍隨司馬宦。沈酣終屈廣都才。
尊鱸薦俎朝豐饌。稻蟹藏波歲絕災。
鄉梓汀蘋鷄犬地。孫郎藻思若爲裁。

榴花

孤根西土幾時傳。絳蘂緗跬早夏天。
豔發雖慙李桃後。子成猶占雪霜前。
醞餘霞醕香應在。染殺綃裙色未鮮。
一種芳心耐風雨。敢辭重疊奏君筵。

晚臺

霽色秋空送目勞。小臺搖落更平臯。紅垂海樹烏棲日。清溢江沱鷺浴濤。天勢暮圍鱗隰闊。鴈行斜轉翼雲高。楚風撼撼迷魂地。可在揚雄獨廣騷。

提刑張司封同年垂訪別郡以詩爲謝

天聖光華第二春。與君同日脫凡鱗。何知素領分符地。卻見青雲共榜人。千重使移行府重。一觴歡伯故儔親。言詩擊節兼風義。且欲因聲附翠珉。君與今永興丞相及諸名公等多所酬唱並刻于石兼遺副本因以敘成

送延評沈先輩宰江山兼過吉席

東陽世系出翹英。刮目神膚兩共清。洛紙文雄錢萬選。邳堂科美佛千名。春風適館仙耕密。海曲夸鄉縣綬輕。上最三年歸路穩。中阿芳意滿菁菁。

淳之太尉相公寄示赴鎮小編三復成誦研味之餘理當酬繼但難于徧和輒取首題賦成拙句一

首旣伸高山仰止之願并以爲謝

西北遮胡晉部疆。更煩儒將下文昌。久調玉鉉三司貴。出倚金城萬里長。唐畝歲豐禾自合。汾波秋景草應黃。公赴鎮在去年秋末須知外警從茲罷。閒殺邊郵赤白囊。

新春雪霽坐郡圃池上二首

鈴齋西北小池臺。漠漠年光病眼開。水面綠深知凍解。柳梢黃淺覺春來。啁啾野雀遺殘糞。撥刺潛黃露

戲鰓物物惱人俱入詠。使君爭奈乏天才。
溪上危堂堂下橋。臘餘春意卷寒飈。煙催樹色全疑染。暖逼禽聲自學調。封徑老苔黓敗錦。抱城空水皺輕綃。茨山小隱歸心動。坐想瓊芝幾隴苗。

淮南自訟

偶然人乏貳中樞。賜罷猶專督府居。髮白自傷聞道晚。心丹誰識報恩餘。淮天目極風飄駛。韓野魂銷宰樹疎。卻願病身何所用。只堪歸釣潁灘魚。

春社日置酒示客

欣欣春色上高臺。一雨關河宿霧開。洛浦宓妃鴻已去。漢家皇后燕初來。山爐馥郁熏歌扇。錦瑟丁寧侑客杯。秉燭尋芳君莫倦。歡游纔散便徘徊。

暮春感興

九十芳期去不留。解脩何計貰珍裘。爐殘晉俗清明火。水冷山陰祓禊洲。風徑舞花催暮色。雨梁歸燕說春愁。離歸莫問年華事。賦筆悲于宋玉秋。

元憲集卷十二

七言律詩

去秋九日置酒今秋復喜茲會詩呈通判比部並諸幕府

城上凌氛百尺臺。晚秋重喜宴樓開。汎樽露菊疑相識。吹帽霜風是再來。寶瑟丁寧催客飲。丹萸爛漫辟誰災。莫驚銀燭先爲具。天際殘陽喚不回。

孤坐北齋因懷出處之難偶成感詠

白頭榮路念何之。出處空驚未得宜。劉放老于宮裏樹。莊生愁煞廟中犧。嵩巖桂塢堪休影。潁曲芝廩好療饑。但願天心從爾欲。敢言歸赴赤松期。

謀退

家家旱稷會亨辰。老醜無謀念孰親。自樂一麾稱外守。恥將三物詛讒人。灌園路僻蒼烟曉。洗耳灘長碧溜春。此地敢言逃楚相。他年終擬作堯民。

赴鄭出國門經西苑池上

十里商中抱帝畿。苑煙宮霧共霏微。長楊獵近寒熊吼。太液歌餘瑞鷁飛。碧護斗城天倚蓋。光銜蓬島日舒圍。樓船法從年年盛。借問孤臣何歲歸。

府齋歲晏節物感人輒成拙詩二篇上寄昭文相公樞密太尉雖俚調無取亦盍各斐然之義也
曉拂青銅感歲闌。蕭蕭華髮強扶冠。病憎蛇影能爲怪。老愛松心不受寒。世務焦頭機已息。主恩淪髓報
應難。鑿鄒自躍非吾意。且作洪鑪舊物看。
處世何嘗盡值才。虛名高位自驚猜。千重浪裏隨流出。百尺竿頭試險回。衰鬢不徒欺曉雪。孤心兼欲伴
寒灰。嵩陽穎曲風煙接。已仗歸雲作隱媒。

後池春水初滿

水從雲表濟祠來。春凍初消舊堰開。岸側淺黃先映柳。石邊新綠便成苔。就深整頓吳歛漿。因曲安排洛
禊杯。莫道使君無野興。把竿常到月中回。

池上雨過

蕭蕭殘雨過橫塘。翠幕生波入坐涼。淡日映雲微透腳。暖風翻葉更成光。牆頭早杏青丸小。水面新蒲紺
尾長。魚鳥沈浮齋吏散。恍驚身世在濠梁。

因覽鏡照見衰年狀貌有感

拂檻清晨念老餘。只堪丘壑便懸車。喑團廓落頻移眼。坐況蒼華不滿梳。緹綬轉慙龜鈕印。土膏空負鶴
頭鋤。人生出處真難決。羨殺賢哉漢二疏。

郎中胡君出守三衢特枉長韻一篇曲敘故人之契且有嘉命別督餞章牽課所成老拙多愧聊以

奉揚高節爾

南宮仙客欲歸休。更領銅符越絕州。君久欲歸休。故不辭小郡。郎位雖嗟三不遇。友聲偏喜兩相求。僕與君最爲故舊。朝端引籍辭羣鷺。天外忘機信白鷗。行矣松喬君自愛。虛名官職壓人頭。

落花

一夜春風拂苑牆。歸來何處剩淒涼。漢臯佩冷臨江失。金谷樓危到地香。淚臉補痕勞懶髓。舞臺收影費鸞腸。南朝樂府休賡曲。桃葉桃根盡可傷。

春晦

曉雨廉纖僅壓塵。落花長草小平津。十千酒美空留客。九十春歸不戀人。有恨剛腸隨指繞。無情華髮撲頭新。憑誰與射跋烏翼。免向西崕送日輪。

恩忝西掖垣

賢路塵消篋謗殘。蕭蕭衰鬢得生還。久叨鷓尾三重閣。予在天章三周歲。卻趁蛾眉五日班。傷翼再來仍繞樹。行雲何處不思山。坐揮拙筆無文甚。正被中郎笑拙艱。

新晴

清明初過雨初收。春意重因霽景留。風定草烟還壓野。雲開山色始歸樓。邛陰高樹藏低嶺。河曲新波沒故洲。點檢叢花猶半在。應須秉燭爲君游。

清明日東歸舟次滯雨

月弦離畢破芳辰。舟子招招數問津。壓岸晚陰雲著野。蘸渠春色柳隨人。煙疇雉雉逢誰歎。風磧鶯鷗莫我親。賜告有程歸棹急。赧然歸水愧游鱗。

都官謝員外今年春榜舟奉使予餞別于東亭孟夏之初不幸卒于中道其孤迎喪還都予又出弔于餞所俯仰陳迹因爲詩以寄哀

溝水新傷慘缺人。何言便作死生分。地中玉樹無期見。琴上牙絃忍再聞。幾日離觴成瀆酒。平時芳札代遺文。東亭哭罷愁回首。落照銘旌隔野氛。

四月昌州奏聖祖殿下生芝草一本四莖及面有紅光如悅懌之狀

昌元遠地凝和氣。聖祖仙宮發帝祺。穆穆睟容分喜色。煌煌寶座秀華芝。已彰日監靈心顯。更表晨敷協氣滋。元后欽崇膺瑞命。殊庭薦號答繁禱。

寄延州經略龐龍圖

驛騎傳書拂塞塵。開緘長跪墨猶新。霜餘且喜青松在。火盡誰矜白壁真。嵇阮交遊思舊隱。臯夔功業記名臣。年來更嗜無生學。笑殺關西仗鉞人。

清明

前旬風雨逼清明。柳色天高雪絮輕。冷落介推藏火月。寂寥潘令種花城。軍中蹋鞠人穿域。門外吹簾客

詫錫今日太官還直具。多年私邸隔朝纓。故事每歲寒食皆錫宴于宰臣私第。

和吳侍郎謝余泊諸朝客見過亭沼

碧瓦新堂壓素波。主人歡意駐鳴珂。風清共覺煩襟快。觴急都忘醉弁俄。江葦有情侵岸出。野鷗無事掠船過。西牆墨妙須珍護。皇祐高秋勝永和。是日太常吳丞題諸公名于西壁。

背集賢復舊官

鸞鵲驚飛詔檢開。唐家僊殿育英才。毫端誤墨讒蠅盡。塞上求羣故馬來。咄咄書空徒有意。冥冥避弋本無猜。孤生舊辱知人舉。一夕聞風釋九回。

從獵晚歸馬上默成奉呈承旨端明王學士

天子乘冬校獵回。鉤陳平野轉瑤魁。萬蹄未暮先追日。疊鼓非春已作雷。得僞風毛隨禁仗。犒勦霞液出仙杯。詞臣定有長楊賦。翰墨能銷幾許才。長楊有翰林墨卿之問。

次韻和度支蘇員外覆考進士文卷銷宿景福殿

秘邃嚴廡斗極傍。此殿最近禁中。知君此夕較連章。天移宿幕鄰堯屋。霞灑仙杯雜嶺霜。供帳賜樽之盛不與常等。坐處銅籤隨漏箭。臥驚銀漢入宮牆。精心百汰知無倦。千牘皆供夜石量。

屯田任君數以歌詩授余感嘆不足因成答贈

綠髮仙郎藻思新。就中詩語更通神。清襟逗興初無滓。綵筆呈華別有春。願我風期情背俗。感君官職命

欺人湯湯聽盡流波曲。終愧衰聾賞未真。

永興端明王左丞寄示見訓長句因爲後答

西風書驛到河津。且喜開筩麗句新。安石風流高映世。君房言語妙驚人。公懷遠略須經國。我愧華顛未乞身。惟有論交方寸地。歲寒留得比松筠。

答子京

一辭雲陛五周年。瑣門銷符寵再遷。時譽敢希吳陸俊。歸心偏識漢疏賢。蝸頭狼籍籍錄地。鴻影徘徊避弋天。命駕不須頻見約。穎濱嵩麓有私田。

閏十二月望日立春禁中作

閏歷先春破臘寒。綵花金勝寵千官。水從太液池邊動。柳向靈和殿裏看。瑞氣因風生禁仗。暖暉依日上仙盤。須知聖運隨生殖。萬國年年共此歡。

立春日置酒郡齋因追感三爲郡六迎春矣呈坐客

閏章餘歷氣先回。臘尾新陽已暗催。三改使符驚歲往。六傾賓酒駕春來。枝頭剪綵仙葩折。勝裏宜年寶字開。更聽美人金縷曲。從茲爭合捨尊罍。

晚春出郭遊北山佛寺

幽刹尋春傍翠微。遊人誰解惜芳菲。陰晴野日不常見。紅白路花相雜飛。一世功名催俊傑。千金歌舞屬

輕肥。左遷病守真無用。試學山公倒載歸。

淳之九兄以僕承乏制曹幸聯局事回當成績猥辱裁篇謹抒拙詩以謝來貺

漢家挈令賴諸公。末至緣何玷選中。馬尾不知書畫誤。鳥聲偏樂友心同。忘憂日接三杯善。軋思時分一
漑功。敢向明廷邀異賞。從來儒術比司空。

新年謝故人惠建茗

春宮收英得幾叢。小團珍串刻閩工。甘踰寶屑非關露。快入煩襟不爲風。左鑷沸香殊有韻。越盜涵綠更
疑空。從來酪茗嘲僮鬼。莫枉奴名立異同。

陳勤之兄弟同登秀科俱宰江東大邑

上林春色老朱櫻。誰見聯科紀佛名。睢苑妍辭俱右席。太丘遺業肯慙卿。離歌坐寫墳篋恨。邑政行聞魯
衛聲。使囊盡堪傳尺素。雙函同慰一搖旌。

宗人臧見過

與予同年擢第
時臧坐法失官

慈恩題墨七彫年。霰雪相逢倦客天。男子詣曹羞會課。禿翁無版欲歸田。爻占後笑餘艱象。書入窮愁有
剩篇。聞道漢家求失職。時郊祀大恩
昭洗痕玷可能梁甲信灰然。

閏三月再到西湖花卉已過春餘夏早景物亦佳因復留連日夕忘返

再來湖上已春殘。物物隨時亦強歡。紫葉抽荷疑弄橐。翠皮包竹好裁冠。驚橈野鷺移沙渚。貪餌鮮鱗薦

客盤盡日臨流忘吏事。須知名世六條寬。

重展西湖二首

綠鴨東陂已可憐。更因雲竇注西田。鑿開魚鳥忘情地。展盡江河極目天。向夕舊灘都浸月。過寒新樹便留煙。使君直欲稱漁叟。願賜閒州不計年。

西北雲波逗異津。兩陂相合到城闌。橋橫斷岸纔通舫。路轉新洲不踏塵。倒影剩容霞底日。暖光平展鑑中春。摧頽病守時無用。堪與鷗鷺作主人。

次韻和次道學士獻贈留臺吳侍郎洛水泛舟之作

歲晚風清洛霧開。有人沿泝避囂埃。莊談解辯觀濠樂。潘興能添作賦才。公于舟中作泛洛賦一篇實當世名筆蘭菊分洲爭向背。鳧鷖隨棹罷驚猜。留都吏沒雖羈鞅。亦欲抽身更一陪。

夜爐

風牕夜永燭飄煤。坐擁空爐煖凍杯。束縵未求曹相火。冥心將冷子綦灰。禪牀隱竈徒驚俗。曲突徒薪枉備災。餘燼欲銷微叢集。燎薰援錦憶平臺。

後園新水初滿坐高明臺遠眺

濟渠冰解逗滄淪。花柳兼催近郭春。城外天形低合野。水邊樓影倒傾人。趁晴魚意雙游樂。助鬧禽聲百種新。老倚芳樽從外請。且將吟嘯代經綸。

送貴溪尉周懿文

津亭理權拂朝霞。試補東溪縣道賒。旅突倦供樵客桂。官符貪及戍時瓜。蟾生海岸空弦濕。天倚山城一蓋斜。歲晚私書無憚數。輕郵不禁嶺頭花。

送虞部楊員外出牧池州

郎署新聞一進階。漢家臨遣重州臺。人持澤節龍形出。路建風旗隼翼開。千頃江禾年有瑞。萬盆吳繭俗豐財。吟牕剩賞雪峯翠。卽有踰碁報政回。

送集賢盛諫議出牧維揚

江海多年滯軾熊。書林諫露得儒宗。寬條一劄仙泥熟。慈宴千觴湛露濃。公拜職賜宴于本院儒林畢會迎舸蔽川交畫鷁。隊笳橫浦細吟龍。輕揚俗改方圖舊。兩馬行催詔傳封。

晚泊白村登舟回望因成拙句寄淮陽龍圖王給事

臨隍西泝近神垆。六輔聯疆見驛亭。漢郡水督六輔渠。實近畿河漕也。千里暮霞烘日腳。一篙春水皺天形。野橋煙火微分市。曲岸漁樵別有汀。忽憶主人恩意厚。倚檣回首涕空零。

和龍圖王學士經涂洛邑見寄

謝病台階別遽旒。更榮符鑰守司州。篋書已辯恩難報。臺禮雖頒政未修。漱石洛波鳴佩曉。插雲嵩色紺屏秋。煩君麗句催登覽。欲使長隨麋鹿游。

楊寺丞以新集見授

君與僕嘗于
荊州聚學

荆臺杯酒接慇懃。已是緹灰十五春。學舍早欣游霧露。辭條今服際天人。沈居雌蜺那知賞。葉腐神龍更駭真。侍上可能無狗監。子虛賦就長卿貧。

天禧詔罷寄王貫之

裂繻無路學西游。衡木爲扉戀一丘。阮籍自多回轍淚。虞卿長有著書愁。江邊客素沈驚鯉。海上機心失故鷗。借問騷人才幾許。莫因鸚鵡枉悲秋。

乾興詔罷自詠

忍當昭世臥隆中。西笑無謀始諱窮。鷗散海邊漁事廢。炙殘京口客盤空。鄉魂怨曉虛爲蝶。頭葆悲秋不後蓬。欲把遺編論興廢。諸儒爭奈喜嘲雄。

奉詔過都代書寄昭文相公

六年衰鬢兩爲州。何意瓜時謁冕旒。去位本無三已色。過城應有復來謳。吹盡膽怯空思勉。淪骨恩深未易酬。即日詣門重謝罪。豫慙危涕滿中籌。

送安陸朱通判赴召兼過許田別墅

綠綈珍檢九天來。綬笥騰裝沸簿埃。鈴閣餞歌鷗瑟怨。壁田仙里駟門開。廚書久汗南山竹。征袂濃薰北使梅。歲晚林光催奉計。五雲城闕倚瑤魁。

和吳侍郎龍門寶應寺設齋

闕塞千巖入畫圖。八關修供柅征車。半千運泰賢將用。不二門深疾始除。香鉢淨羞熏寶席。法螺仙曲逗晴虛。從茲定許陪登覺。肯效區區粟里輿。

和吳侍郎相從經歲忽有陝許之別見睨長句

接武西臺屬鉅賢。琴樽歡意滿山川。論交共到忘言地。感別空驚易守年。陝界霜氛迎喜氣。君再臨雄部穎郊秋色犯華顛。全茂拙許昌卜隣自有歸休約。終就溪林占一廛。

送資政侍讀侍郎西赴陝郊

〔案〕侍郎上應有姓氏原本脫誤

君欲歸休未得休。再持符節定西侯。深嚴殿籍恩圖舊。蔽芾棠歌野績謳。洛浦神仙觀送客。崑陵風雨避傳騶。高懷莫作衰年調。公府重來尙黑頭。

和河間通博王太博見睨春雨應時雅什

東來春色變層陰。甘露前符望歲心。雲葉乍驚重礎潤。土膏先過一犁深。農人記皇慈已浹流根澤。近詔書教天_下芳節殊非貫序霖。忽枉新篇真寡和。鼻聲衰濁費長吟。

題高明堂後池雜景二首

荒城岑寂冒春霏。竹落江村具體微。蛙怒愛爲先雨叫。燕輕多作逆風飛。印波鸞鑑新荷小。礙路犀簪早筍肥。極目纖塵都不動。元規安得汗人衣。

一寶春泉貫曉溪。水光涵物見纖微。波鳧泛泛騷人卜。風蝶翩翩佛助飛。雨足舊蘭穿碗出。餌香鮮鮪壓
鉤肥。昔聞緩帶猶堪羨。退食何妨野客衣。

元憲集卷十三

七言律詩

憂闕還臺次韻和道卿學士終喪歸集賢舊職見寄二首

半生多難竄民塵。北闕重來雪履穿。木在溝中寧有聞。人從河上更相憐。塵棲綬笏昏餘采。蟲食書牋脫故篇。不敢對君重撫臆。孤懷同是一潸然。

解籍書林同遇春。笑笑孤影弔窮塵。茂陵久臥添遲思。東觀重歸有戲賓。爭食已慙池鶩飽。忘機更待海鷗親。漭然末曲何能續。聊誌當年並賦人。

默齋

虛名三紀玷王朝。晚歲剛腸萬慮銷。篤學自依袁伯業。醒狂誰比蓋寬饒。將施燭日逢兵偃。隱谷連雲負客招。白首報恩雖竭節。擬留餘力事耕樵。

贈令狐進士

闕里高談擅席珍。多年嵇痺嘆沈淪。封貂續食論鄉士。綵服承顏斷織親。風直鷓郊傷六翮。機藏駭弩惜千鈞。載餽誰就揚雄宅。覆瓿書成擔石貧。

感懷寄進士胡肅

離懷何事共淒然。雲路無因著祖鞭。賦苑竹荒沈舊賞。書郵梅老怨殘年。莊魂斷處星垂地。楚思搖時水接天。趙壹窮愁堪自笑。擬將文腹敵囊錢。

送謝沂進士

坦牀仙格照瓊筵。歸待蘭陔補逸篇。別路雲霞交友闊。慶門酥酪弟兄賢。春郊送目車流水。夕館迷魂月上弦。續食定知西笑近。馬生詞賦賈生年。

送總閣會士守秦亭二首

〔案〕總閣學士應有姓名原本脫誤。

幾日章街認錦韉。平明頒節撫秦汧。嚴廬侍從宣勞久。邳府詩書得帥賢。殺騎千蹄嘶隴月。城笳三疊破羌烟。賓簪自古從軍樂。別夢空隨使幕蓮。綠圖屏開倚昭回。瑞鷄驚飛詔抑開。關內趙張人續譽。禁中頗牧帝憐才。垂鞶虎綬朝裝出。夾轂蛇矛使仗來。坐鎮平時文檄簡。赤囊邊瑣有輕埃。

清明出沐

曉樹陰岑客舍春。卿輿不訪著書人。長楸有地金成埒。曲突無烟桂徙薪。自欠解蘭拋北阜。更堪鳴磬是南鄰。錫香醞冷沈歡緒。枉負山郎出沐辰。

朝謁待漏偶成詠懷

天街殘月斗城西。五里葱葱瑞霧迷。仙翰入陪靡澤鷺。曉籌初聽汝南鷄。星翻微道千廬密。雲斂觚稜兩

觀齊自顧山林疎賤質。誰將車馬載驚駭。

孟津跨大河寒氣特盛歲暮作

河裏孤城歲倍寒。冰霜千里正漫漫。爐熏寶焰翻沈煖。酒入衰容不借丹。翠幕障風褰影數。玉琴抽雪按徽難。天高木落千花盡。閒撫青松仔細看。

世事

世事悠悠未遑央。虛名真意兩相忘。休誇失馬曾歸塞。未省牽牛解服箱。四客高風輕楚漢。五君新詠棄山王。秋來數有漁樵夢。多在箕峯潁水旁。

和吳侍郎留題北樓

疾間勤勤解郡章。北樓舒嘯寄徜徉。山園軒后乘車野。水接堯民洗耳鄉。拂衽風頭迎爽籟。壓林霞尾送殘陽。冶城極望雖高世。爭奈臨秋鬢未霜。

寄許師孟

鷓鴣三鷺楚澤秋。回腸更用斛添愁。燕臺市駿千金骨。漢客逃名九段鱸。木斷華樽俱失性。瓢空陋巷獨堪憂。夏畦播食非吾事。終訪班生問一丘。

同年胡宿自江外寄遺詩筆雜文

萬仞青雲接翼翔。江南離思滿雕章。輕投暗路珠無脛。驟濯迷魂玉有漿。奏記諸公多感慨。擬騷前哲剩

淒涼寄懷何止三年字留祕傳家古錦囊。

寄子京

爲郡八年榮願已息朝恩念舊復假相印堯堯內樞然思歸之心日以切也

八年三郡駕朱輪。更忝鴻樞對國均。老去師丹多忘事。少來之武不如人。車中顧馬空能數。海上逢鷗想見親。惟有弟兄歸隱志。共將耕鑿報堯仁。

晚春小園觀物

小園乘暖敞孤齋。畦埒經春盡綠苔。新筍偶隨枯篠出。野花閒抱故藤開。雙桐夾路元標井。酸棗依牆本乏臺。北戶清風時一至。此身疑到上皇來。

郡圃觀春物有感

河橋煙北寂寥城。山圃雖春氣尙清。戲蝶有時飛自遠。野禽終日語無情。露痕浥浥添花重。風意沾沾助絮輕。看徧物華還自看。乾坤同是一浮生。

晚出池上觀秋物

臨溪長是見歸鳥。搖落初驚歲物徂。虎掌煙芒金穗密。西池稻鴈頭霜葉紺輪枯。差差去幕東西燕。兩兩隨波上下鳧。更向岸邊橫飲舫。便疑狂醉宿江湖。

秋霽觀野物

雨畢天高卷斷虹。郊原無物不秋豐。禾麻自稱霜前熟。梨棗徧依日處紅。煙外短帘閒映柳。水邊輕翼暗

隨風田廬我亦牽魂夢。歸去嵩陽一老翁。

孟津晚景

二月春風引夕陰。羣煙邛樹恨登臨。醜鷄甕外天方闊。偃鼠河濱水正深。萬疊紺螺山北聳。半邊紅壁日西沈。憑高薄暮人誰見。一寸如丹魏闕心。

晚出池上

悒悒梧楸似楚騷。霜餘寒水失溪毛。游鱗潑潑心應樂。亂雀飛飛意不高。平世功名難強立。昔賢卿相是真逃。人間萬事無涯際。爭得先生一藉糟。余性不知酒味。

次韻和吳侍郎答汝州劉從事

賢路網繆早奮庸。搢紳元許黑頭公。巖霖暫卷浮雲外。國棟來參散樸中。仙禁巢阿思瑞鷲。野場收戈看冥鴻。恐難便遂東山臥。憂樂須將一世同。

寄武昌胡從事

君家酥酪弟兄賢。督府從軍滯幕蓮。江上歸音魚失素。天邊離思月成弦。阮毫答記無遺草。楚賦悲秋有剩篇。玉骨道風沈俊久。漢條新記會甘泉。

春陰復霽

時方思青澤。

河外輕寒氣未佳。春襟愁目徧天涯。濃雲破綻翻無雨。落日因循便作霞。麥隴寸苗思雉雉。柳灘新葉欲

藏鷄。如膏且冀均農惠。莫枉層陰挫物華。

永陽登樓懷闕下知己

西北樓邊路欲分。神臯不見見浮雲。晉郵尺牘波中斷。洛客歸心笛裏聞。麗賦有情傷桂魄。勞歌無節怨蘭薰。漢家續食催西上。忍逐江鷗狎舊羣。

春霽漢南登樓望懷仲氏子京

三楚風煙會漢津。憑高倦目此城闌。山前霧密疑藏市。樓上塵輕不污人。鳴瑟久拋雩舞地。稱觴更負永和春。私書一紙離懷苦。望斷波中六六鱗。

春日樓上有寄

雲葉西來拂畫樓。江南何處不汀洲。三春草綠王孫路。萬海梅殘隴使郵。落照牕扉塵作馬。黃昏簾幕月成鉤。張衡藻思能多少。玉案貂襜各自愁。

淮南汶上三見春物有感

一塵南北數移官。三見鶯花送鴈寒。雙鬢欺人還似雪。寸心憂國本如丹。雕蟲曲藝論文淺。乘障迂儒破敵難。惟有歸耕初志在。故田西接飲牛灘。

暑雨初霽

日轉西軒小霧開。羲皇高興伴風來。層雲氣潤猶蒸礎。殘電光微不應雷。曲沼清潭魚對躍。暮簾明滅燕

雙回憑高更結京華恨。魂透梁園舊吹臺。

暑雨夕霽

天角殘虹截暮暉。南樓風快暑煙微。月波半露金樞穴。雲葉全收玉女衣。氣爽戍樓孤鵲去。霧沈荒苑數螢歸。涼軒更作東山詠。何處莊環有世機。

秋出近郊

修邛纔轉便維嵩。都占黃河小曲中。秋助峯巒相倚碧。日催梨棗一番紅。煙蕪雖歇猶藏野。霜葉能飛不待風。關輔俗淳無巧弋。河洛間俗無弋繳之技天邊何意有驚鴻。

初至洛陽府廡有東樓曲沼之勝時春色已過園林寂寞晚坐樓上作

登臨何處恨春殘。樓上池邊夕照間。非意野雲遮倦目。無情空水鑑衰顏。青谿久負幽人約。白髮初辭宰相班。才與不才何足辨。此心都擬付莊環。

宮保龐丞相以詩二首見寄次韻和答

西畿三輔切天關。何意頒來細扎文。學謬詩書慙作帥。身非叨畝更思君。劉向謂忠臣雖叨畝猶不忘君。惓惓之義也。況予非叨畝者耶。

使輅結轍橫周道。鄉木交陰憶漢枌。保傅上才敦雅眷。滿章褒意薦蘭薰。奉紀出入台階謝奮庸。白頭持節更爲公。臨民不稱瞻巖尹。慰俗猶依贈扇風。天許雲鴻增繳外。高節世憐池鷺稻糧中。自訟一聞麗唱情何極。心結平津舊關東。

次韻和吳侍郎喜令弟學士請告歸省

秋來遙說灑煩襟。季虎昆龍伴嘯吟。弓影舊疑臨酒釋。荆枝歡意戀叢深。仙山校籍催歸傳。宿館銷魂警曙砧。我亦白頭思共被。非君誰照急難心。時子京方北守常山不得枉道見書

寄致政杜相國

多年零雨詠公歸。得謝高懷與世違。池鳳何嘗嗟見奪。冥鴻終不更低飛。壽觴應舉三朋酒。師袞閒拋一品衣。我亦摧頽踰耳順。異時悼史託餘輝。

酬仲微以舍弟忝直螭階余近塵鳳署見慶之作

世隱東畿賦遂初。荆枝相樂本田廬。偶隨幽鳥同還俗。何意驚驥並載車。浴殿封芝慙視草。史階簪筆玷成書。猶欣夙契寒松在。持謝雕章悅柏餘。

京師故僚以余退居近畿數賜存問因敘懷自感

多年京洛寓靈臺。貪見三山縹帙開。野鶴據軒真冒祿。跛牂生奧苦爲災。茂陵養疾惜惜骨。莊室劓心寂寂灰。南鄙孤城非灞岸。欲乘春氣望瑤魁。

次韻和運使王密學見貽之作

天畿巡部聽車音。更值秋空卷夕霖。擊壤但聞堯俗樂。寬條方識漢恩深。醜渠引漕民兼富。使臺進通渠水爲漕渠公私蒙飛檄宣風令。莫侵餘藻相存知厚意。孤松凌雪鶴鳴陰。

送蔣御史領江東運使

幾日都亭避憲聽。使臺分節按江東。朝端舊簡飛霜白。關外連艘餉粟紅。晨鼓疊喧雞埭月。暝帆遙卸雀桁風。先秋若有離懷詠。剩取芳筇作信筒。

寓直晚歸見天街早春景物

霽雲銜苑雪雲開。春色先從禁籞回。馬上嫵眉偏認柳。樓前妝額固知梅。吹殘鳳簫驚寒律。忙殺鴟鵂取凍醅。莫問康年行樂意。壽觴初罷佛燈來。時長寧節接影燈之夕

次韻和安陸王工部郡圃早春

鄖波翻縠抱城流。夢比春風第一州。安陸郡實楚之北境槁質枉陪溫樹密。勝襟還負峴亭游。風英百種紛如繡。溪羽千聲巧命儔。遙識使臣興感地。浮雲長映最高樓。

和經略宣徽吳太尉以將經洛陽舊隱之作

公有長才勳縉紳。朝廷不肯棄名臣。高懷空結山中社。公在西都自號樂城居士遠略今清塞外塵。竹塢未荒溪葉密。菊叢雖舊徑花新。南臺素壁題名處。莫惜塵鏡一駐輪。

入朝感舊并序

余自寶元己卯始聞政事。逮至和丙申歲。幾二十年。其間凡再塵參貳。陞使樞筦。夤緣乏人。遂登宰席。洎蒙罷免。守郡六年。過都造朝。追念兩府僚舊。自大丞相文懿。鄆國張公。文靖許國呂公。文

簡郇國章公。元獻晏公。文莊鄭國夏公。其次則宣獻宋公。康靖李公。忠穆王公。文孝張公。文莊。文公。文肅鄭公。文簡丁公。文莊高公。皆邁世傑才。左右王室。余猥以庸末。預巖廊之游。今茲來歸。則嚮之諸公。無一存者。退朝感念。悲不自勝。因成短章。以志存歿云爾。

二紀便蕃冒主恩。歸來榮感兩驚魂。昌辰盡見羣龍出。漢郎顯云羣龍在位以喻衆賢急景俱隨駭駟奔。史冊褒賢空汗竹。山丘餘泣已陳根。此身不減靈光殿。遺老班中歸獨存。

久客懷故里

漢榜遺產接東陂。舒嘯行吟失舊期。嶺上孤猿驚別久。山中芳草怨歸遲。澗波希潤寧堪待。龍斷求豐忍自欺。負郭已荒金未佩。天涯浩歎滿隆墀。

和吳侍郎惠詩

最樂乘秋浩氣全。洛臺歸興滿新篇。霞漿不雜甘辛味。廟瑟都遺掩抑絃。崑嶺希珍驚倦鵲。蘭臺清吹飲吟蟬。欲知傳誦人多少。正似三都紙貴年。

求志

壯心銷盡見天機。敢惜功名與世違。拙似潘生難濟用。老于蘧瑗轉知非。多年鷄口慙爭食。自古鴛鴦愛舉肥。常恐冒榮孤晚節。春來魂夢到柴扉。

和子京旅況

春城岑寂早花開。久脫冠梁有薄埃。安邑本緣飢腹累。茂陵非爲富貴來。漢以高貴者皆徒從諸陵驚羅晚雀同茅宇。爭席春農伴茗杯。自有忘言記真意。不煩騷客賦銜枚。楚辭云願銜枚而無言

和吳侍郎謝予送酒

歲稔兵廚富酒材。幾槽新溜滴芳醅。秋香自與蘭英合。春色潛依竹葉回。蟹甲佐歡賓罍溢。鷓鴣參貢縣郵催。歲時舊例有百壺之真雖非平樂十千斗。願奉康成三百杯。袁紹醉鄭康成及去錢之自旦及暮康成飲三百餘杯溫克之容終日忘息

秋夕感懷

風蟾成暈露成霜。玉箭添籌怨漏長。四載歸心同騎省。(案)潘岳詩自我遠京畿四載迄于斯原本作四感今據改半分仙骨過東陽。驚猿久負排巢客。乘駟誰輕喻蜀郎。掩鼻裁詩多感慨。吟餘星斗轉秋潢。

題江南程氏家清風閣臨江建之

臨波飛閣迓層甍。溽暑狂醒此併銷。客至自同仙寇御。舟歸不減鄭公樵。雲明別島朝虹飲。月碎前溪夜鯉跳。借問北牕餘興否。羲皇高世一相招。

和吳侍郎游普明禪院

屢道遺坊敞淨廬。昔人曾此賦閒居。園經漢傳揮金罷。石記商賢作礪餘。原詩有石存裴令老臣心之句綠玉千竿多映水。蒼帷雙澗競凌虛。神交不必論年輩。一夕清吟萬境如。

次韻范純仁和郭昌朝寺丞見寄二首

岷峨秀氣入京華。鵬翼搏風勢莫涯。崑玉照人呈美璞。楚蘭芬畹擢新芽。朝廷遷陟先諸彥。君子同榜先改京秩閭里光榮在一家。不鄙蒙陽疲病守。肯來同醉岸烏紗。

言路再居無少補。護邊三歲乏微勛。非才自合投閒地。竭節終期報聖君。老去風光流似水。病來世味薄如雲。讀書記一將忘十。少壯誰教不自勤。

送龍圖燕待制出守梓潼

寶構沈沈夕霧迷。儒林俊老出分麾。中天祕牒河龍負。上路鳴鐃笮馬馳。香襲龍盤驚放獸。野連豐芋蔽蹲鴟。潼江肯學淮陽臥。仙液眞腴壯壽祺。

七言長律

次韻答襄陽龍圖燕給事慶僕序直禁林

右銀仙闥倚雲開。孤客緣何待詔來。一節新恩迂使驛。五花前署隔公台。英游但喜儒紳集。涸使偏驚吏腕催。晝檻寶鷄翔帝竹。夕軒瑤斗掛宮槐。朝無濫吹終逃郭。性有眞愚敢望回。雋老裁篇褒意重。遠分江漢濯餘埃。

元憲集卷十四

五言絕句

坐池上看水偶成五絕句

冰解初分竇。波平便泛舟。岸花紅弔影。沙鴨綠昂頭。

漾漾通仙穴。源出清濟。潺潺入故城。晚來丘壑思。併爲一渠聲。

短綠抽心草。深紅半面花。游魚知底事。跳碎水中霞。

已開臨水徑。自作探花人。岸柳何爲者。都盧欲占春。河橋不甚宜花惟多美柳

橋腳時依樹。多作釣橋。階層便作河。初無心可洗。誰作洗心歌。廳事爲水所環最爲佳處

次韻和吳侍郎錄夢英書

何年留妙蹟。眞賞日云疎。不遇臨池鑒。誰收壞壁書。

六言絕句

撚鼻

一飢慣食腥腐。三嗅不分臭香。殘質心灰已久。末年鼻孽何傷。

七言絕句

和吳侍郎躡號樂城居士今復職守陝臨岐自哂二絕

竹圃雲齋謝病還。更將禪號擬香山。詔恩敍舊君何讓。從古英賢不得閒。
催拜連翩鳳詔飛。樂城幽槩願相違。高雲出岫雖無意。且待商巖作雨歸。

擢第南歸道中早發

紫漢回天斗柄橫。蕭蕭羸馬困遄征。南歸畫繡恩偏厚。應有鄉人笑夜行。
夜坐二首

紫垣疏舍拂霄霓。官燭臺衾夜境淒。況是顏生無飲分。小齋應免醉如泥。
省戶沈沈奉祕齋。通宵簫唱九天來。如愚默坐將何比。維斗虛名本不材。
道次春陵懷古二首

鬱鬱春陵舊帝家。黍離千古此興嗟。蕭王何事爲天子。本愛金君與麗華。
麗康遺壤亘荒途。白水烟消拱木枯。陌上停驂聊借問。帝鄉今有舊親無。
被詔假軺傳詣闕

輕郵千里給臺符。曉月征驂上道初。自比漢儒恩太渥。一生龔勝恨私車。
初歸咸寧宅坐北齋作二首

柳市西頭最遠坊。歸來先掃讀書堂。閒園別有風流意。無限苔花上石牀。

宴坐聊爲適性場。徧開塵篋治縑緗。偷閒須撰齋中錄。道帙儒經各有房。

因游東園奉寄交代張龍圖

修篁綠水已成陰。秀柏凌霜盡直尋。今日思人還愛樹。竹木盡是張公所植歲寒顏色歲寒心。

蔬食

退食西軒玩竺墳。鵲爐烟細篆難分。勞生未識心齋理。枉學顏徒不茹葷。

榴花

誰取孤根植檻旁。絳附丹鷲鬪年芳。驚鷗莫損亭亭豔。百子先秋未有房。

晚坐北臺見新月

落霞殘日罷空樓。月桂黃昏破客愁。天上幸無封拜事。誰教蟾影曲如鉤。

初止轂下車馬羸憊

九衢橫鶩徧驂駢。曉日浮雲萬蓋迷。借問東京朱伯厚。一車何苦日奔馳。

初倅襄陽郡事感而自詠三首

平日少游思郡掾。當年鄧禹志功曹。如何一命聯州刺。更冠靈峯最屨鼇。

詔版熏芝喬露濃。千齡華旦此親逢。平刑六百叨優秩。漢廷尉平六百石秩已媿琅邪鄙曼容。

處世儒宮井臼貧。偶懷銅刻逐觀賓。漢家街衢盈千數。卻用淄川牧豕人。

春晚坐建隆寺北池亭上

城外東風卷落花。更臨春水惜年華。單車刺史無饒吹。叫殺荒池兩部蛙。南方氣早。春未已。蛙鳴。

梁冀二首

狐尾單衣漢綬長。歸來珍館看啼妝。將軍幸有封侯力。忍使秦宮令太倉。外戚豪華善意錢。折巾平幘映鵞肩。支期一世惟偷寵。虛乘東京跋扈權。

題巢父井亭

箕嶺逃堯去不回。沈沈遺甃碧烟開。廉泉讓水猶堪貴。何況曾經天下來。

默記淮南王事

室餌初嘗謁帝晨。宮中雞犬亦登真。可憐南面稱孤貴。纔作仙家守廁人。
班葛才華盡冠時。如何褒貶兩參差。八公並號狎霄客。誰作當年詣吏辭。伍被卽八公之一。

欲訪景升先寄

隱廬早學蝸牛樣。講肆仍將馬隊鄰。陶潛有馬隊非講肆之句。余居東偏皆騎營所在。北望烏衣纔一曲。擬攜聯簡就書筠。

歲暮北樓晚景

樓上人驚歲律殘。魯郊齊壘有無間。夕陽高鳥知何意。飛盡青冥不肯還。

和吳侍郎見睨白蓮

田田香葉滿橋陰。鑲玉仙葩照玉潯。應恐天姿太明潔。淺紅微綠護芳心。

招希元對弈

余猶品甚卑。故有末句。

咒木成盧非我事。賭牛探炙亦何緣。乘閒欲數紋楸路。借問何如葛稚川。

適聞留臺侍郎獨游龍門。屬府事牽輒成短詩奉寄

飛蓋遙聞上鑿龍。白雲蒼鶴曉樓鐘。匏瓜訟閣空南望。知到諸天第幾重。

再葺流杯亭兼得今翰林胡學士舊記石刻。移置坐隅。郡人以爲寵

重。鑿瓊波弄酒船。翠珉英藻更相鮮。從茲春意無銷歇。長似山陰癸丑年。

流杯亭

則天所臨幸。李嶠撰碑。

昔記神皇駐六龍。橫波簫鼓沸天中。誰知一代繁華意。吹作菰蒲落日風。

齋中讀書

藤篋紛披擁蠹笥。日開黃卷代談賓。一經皓首心非悔。枉是無言對斲輪。

入謁馬羸不進

上路傳呼萬轂流。羸驂踏月五更愁。城門爭道無因入。始恨車前欠人驢。

惜白髮

曉鑑霜毛亂欲飄。感衰懷壯兩無聊。淵明雅思真高世。也解嘲人插素標。

再到小園見落花有感

雨餘春色太怱怱。已有殘英滿地紅。先落後開應定分。一般遲日一般風。急雨前旬滯客筵。羣葩何事亦翩翻。風長日暖東君醉。無限宮娃失翠鈿。

次韻和丁右丞因贈致政張少卿二首

幾年辭寵解華紳。佛忍莊恬共奮神。歲晏始知松柏茂。凌雲高節不關春。芝朮新國御陌東。飄然雲鶴此相從。貴交亦有功成約。二卿嘗與余有林下他年或見容。

和中丞晏尙書觀上御青城案警場

崔嵬繪闕倚雲梯。三疊鳴笳引夕韉。使範雄嚴天意悅。瑞氛斜日紫垣西。是日登樓案警場。時開霽。晚景甚和。

偶觀竹林七賢畫像

七子高風拂混茫。丹青遺影尙琳琅。山王偶爾兼榮遇。不得延年贈短章。

次韻和石學士見寄十首

瀝懇囊封避政均。天恩從欲寵孤臣。回瞻始媿功名地。池有祥鷄閣有麟。

路寢崔嵬敞九筵。相儀曾識帝心虔。明堂盛禮。僕以禮儀使贊引乘輿。漢家山委無窮瑞。盡屬淵雲奏賦年。

奉行漢事稽遺典。陟配周詩講肇禋。一世聲名皆帝力。請君鴻筆剩書筠。已上二篇來詩。紀明堂之盛。因見虛飾。輒錄雅意爲答。

分符懷綸兩叨榮。公退賓尊恨獨醒。余性不飲酒。禊洛賞花都未識。歲寒空愛竹青青。禊飲賞花落人所重。余今夏赴任未經此會。惟

土宜美竹。偏于池盤。此君之好。契余夙尚云。

隱几鈴齋咀道腴。洛烟嵩靄徧神都。時時更作書生詠。方信隨何一腐儒。掉臂論交俗久訛。夫君高意遏頽波。薜華暮落松凌雪。借問凋芳校幾何。榮路徘徊力已疲。保全恩惠劇春熙。須知散櫟無庸日。方到羣材構厦時。久廁鸞鴻刷羽翰。大都飛意倦須還。周南日夕歸心動。笙月飄風盡有山。

親見仙科唱第時。君繼第之日。余以學士爲殿試考官。寵均宣室對神釐。韻強輒借。漢臺詔令方深厚。好取名郎作訓辭。來有敲扑簿領之歎。輒以奉揚宣美。

老去勤勤念一丘。已將身上虛舟濟。川善謔情雖厚。似倚清才惱白頭。

碧蘆堂

寂寂虛堂一自幽。紺梢蒼葉更臨流。不須重畫滄浪境。一片江天小樣秋。

故池

幾曲春淵逗碧塘。暈檐沙版照波光。多年不浴荀池鳳。戲鷺時時下夕陽。

丁晉公故第東池上作

薛縣高臺已半傾。碧波遺甃自盈盈。池蛙不辨興亡意。猶學當年鼓吹聲。

東園池上書所見五首

茅棟山檀抱曲池。池上有堂號白蓮棟字朴野孤懷終日此忘歸。生平方寸無機械。庭下羣鷗且莫飛。

春餘池圃似郊村。余夏初領府事時花卉已過池上寂然有野思吏散斜暉半府門。燕雀不知爭底事。啁啾言語到黃昏。

堂下濺濺水欲周。水清烟底見游鯈。主人不是無芳餌。此意從來信直鉤。

靜岸無風斂夕霏。田田香葉滿空池。戲魚未必能知我。我自知魚最樂時。

雨洗神嵩紺黛凝。中天鸞鶴恣飛騰。更憐晚翠知人意。併入東樓第一層。東樓正望嵩少諸峯

漫成

二典勳華冠號榮。燦然三代繼英聲。如何孟子尊儒術。不肯臨篇信武成。

漫成二絕

口日開門避寵呼。舞驂飛蓋共虛徐。昔人枉解痊秦痔。只得君王五乘車。
代故由來足糾紛。高才憂世強云云。太宗不用長沙傅。虛使羣臣諡孝文。

絕句

波環潁曲持竿石。雲擁嵩巖鍊藥爐。盡是他年歸隱計。更憑猿鶴作前驅。有薄田數頃在嵩巖之間自鄭望之跋予耳

次韻和吳侍郎和沖卿寄來詩二首

解郡西歸疾有痊。洛臺分籍養高賢。逍遙莫道無推重。雲外傳呼拜表天。

暫息塵機不爲年。高風聊借九區傳。周聃漢朔誰能測。且作清時吏隱仙。

時余不得預會戲成二韻。(案)此題上有脫文。

筆陣談鋒醉幕天。遙知三俊共周旋。據鞍舊將曾銷髀。不得行間左執鞭。

和中丞晏尙書憶譙渦二首

穀浪如烟曲里深。使旗齋舫此幽尋。不知魚鳥思人否。曾費東山擁鼻吟。
沿緣綠篠無窮岸。縈帶香荷幾曲溪。可惜高秋真賞地。夕陽殘月枉平西。

冬至夜齋中不寐遙想郊丘盛禮二首

陽郊陪禮忽三年。目想壇觚切絳烟。今夕纖蘿還不動。百神應到紫宮前。寶元郊祀之夕。風月澄霽。今歲復爾。
兩扶天御陟圓丘。景祐寶元二郊。余並攝公卿。奉引乘輿。升壇贊禮。璧月珠星拂綵旒。誰識從官與感夜。臥聽寒柝宿揚州。

人日

陽律初回七日春。誰將靈品占佳辰。鏤金翦綵空迎福。無奈牛羊已勝人。

游廣愛寺

鷲宇嵒嶢軼翠霏。清秋香火絕塵機。心明更接真空辯。應有天花滿席飛。

和伯中尙書聞琵琶詩一絕

香撥檀槽奉客杯。細音餘響碎瓊瑰。只應強作弦中誤。且欲周郎一顧回。

正月十日作

萬里春暉蕩曉空。芳芳心處不融融。惟餘兩鬢無情雪。最耐人間解凍風。
偶隨和氣上層臺。河裏風烟已暗開。空時虎牢天地險。不知春色過關來。

元憲集卷十五

七言絕句

和晏尚書宣德門侍宴觀燈

梵樓佛火千輪出。漢時神光百道來。爲報金吾休禁夜。太平簫鼓宴鈞臺。

讀史二首

孝武威靈動百蠻。將軍辛苦到闐顏。儒生未必無長策。枉使匈奴害狄山。
賈傅感傷論表餌。董生推本對春秋。厥張抵凡能爲相。誰序儒家冠九流。

觀文丁右丞求賜茶因奉短詩二章

金門高隱宰官身。盡把功名付客塵。慧露真腴內消熱。可煩霞腳一瓶春。
龍銜縹質尊王貢。月滿春規記焙名。此味賞音知有意。不將甘醴作交情。

和寄花詩

省訪春叢豔最殊。寄來猶識錦霞舒。名園自寶仙葩種。可是全因勿翦餘。

謝答吳侍郎惠茶二絕句

貢焙僧巖各有名。手封奇品更丁寧。衰翁劇飲雖無分。且喜雲腴伴獨醒。

一區眞茗慰鈴齋。更伴仙卿逸藻來。夜嘷曉吟俱絕品。心源何處著塵埃。
次韻和運使王密學新葺西亭移花之作

高齋新境斷纖塵。曲圃芳畦豫記春。今日且資移樹法。明年應作看花人。

和中丞晏尙書木芙蓉金菊追憶譙郡舊花

絳豔由來拒早霜。金英自欲應重陽。主人昔意兼新意。併爲寒葩兩種香。
今日棊軒風爽天休可。紆步無以簿領爲解兼戲成短章

不肯歸休木俗才。癡兒了事太悠哉。勸君抽取文符手。且就涼軒鬪茗來。

詠史

袁褚才名自古稀。可嗟高節晚相違。遲行使足爲丞相。枉受黃羅乳母衣。

道出襄城遇大風于野

此路前聞七聖迷。風霾終日暗天涯。心如搖旆頭如葆。卻羨枯桑了不知。

春晚殘花滿地

院晚千花已自稀。狂風猶欲挫芳菲。王昌近在牆東住。可惜殘紅取次飛。

因覽子京西州詩藁感知音之難遇偶成短章

小集曾因善敘傳。子京出處小集甚爲元獻晏公所重。叙以冠篇行于世。西州餘藻復盈編。中郎久已成枯骨。爭奈柯亭十六椽。

天街馬上遇雪

章街十里瑞霏飛。有客蓬山直歸。雙履未穿乘款段。比景東郭是輕肥。

七夕三首

一夕歡娛風帳秋。曉天歸駕待瓊輿。銀潢便是東西水。不獨人間有御溝。
紫宙風輕歛夕霏。露華應濕六銖衣。鵲橋貪問經年恨。不覺蛛絲減舊機。
漢家猗殿敞雲屏。青雀西來底有情。席上殘桃猶可種。劉郎爭奈不長生。

夜聞牛歌

蕭蕭墟落暮雲寒。壤曲薪歌浹野歡。何處飲牛歸路遠。一聲辛苦憇漫漫。
和梵才寄林逋處士

白首江湖傳散人。天駸解盡有天眞。漢家不惜青蒲費。終爲枚生一裏輪。

龍興題額傳云唐明皇御書八分。

八法神毫煥寶題。至今鸞鵲欲驚飛。臨空莫遣流塵晦。幸有仙人拂石衣。

聞子京拜掃後周視田廬因問有可爲歸計者二首

韓邑西南上故原。春林幾處駐行軒。何妨豫卜歸休地。從古三公亦灌園。
耕疇喬木許西偏。嵩穎相望似有緣。更問具茨南復北。那邊堪作種芝田。

西齋雜詠

粉蕚烟膏秀可餐。森森庭際鬪檀欒。誰教節目生皮外。卻解虛心保歲寒。

早謁

匹馬中衢類斷蓬。疎星殘月共寒空。漢家未給千門鑰。弛鐙牆陰避憲聽。

詠槐

萬物迎春兔目開。亭亭圖影覆莓苔。孤根信得全身地。可待山中養不材。

噪雀

楚雀乘春玃玃飛。蒜頭椒目稟生微。風前莫學鶯鷗散。堂上人無海客機。

晚庭噪雀

空庭殘雨伴風休。芳樹陰陰晚雀留。無限好枝堪斂翼。不知何事更啁啾。

登汝州等慈閣二絕句

像閣岩曉出翠陰。有人憑檻看嵩岑。方袍更語闕天舊。且取歸心付佛心。
檻外風烟洛汝通。賓簪禪毳此相從。主人解選登臨地。數片秋天六六峯。

泛舟新湖晚歸呈坐客

繚繞西隄接暮雲。半天殘日尙留賓。歸橈直渡無多怖。縱有風波不陷人。

受詔論次令文踰月網條未舉

漢家甲令議獨煩。曹札沈迷擁畫軒。城旦千條紛未舉。始知黃老得名言。

書樓

轡轡雕臺傍九衢。藻扁無復藥函書。徘徊尙有飛軒月。不把孤光照碧疏。

次韻和吳侍郎東城泛舟

放溜輕舸掠晚沙。時時波底碎秋霞。清陰十里堪乘興。疑到江東安道家。

新歲雪霽到西湖作三首

新年城曲坐溪臺。密霰初收晚凍開。無限禽聲兼柳意。欲催春色過湖來。
水華烟態壓回汀。客至無情亦有情。芳草不須緣短夢。一番新綠滿塘生。
閒拂苔磯弄釣輪。幽懷先賞鬻灘春。沙鷗似未知余意。驚舞時時錯避人。

暮歸舟中

一水縈紆蕩夕霏。樵風上下燕參差。斜陽無限滄洲景。可惜山陰興盡歸。

早渡洛水見流澌盡解春意感人馬上偶成戲詠二首

春色東來不待招。烟光已過洛陽橋。如何解盡人間凍。鬢畔霜華轉不消。
洛浦冰消潤轆塵。野禽何處不呼春。柳梢弄色花條軟。已似遙嗤白首人。

次韻和張太傅寄集賢相公

一世夔龍集盛期。公槐邦棟聳喬枝。更將出處均天分。荀鳳莊鵬各有池。

立春

曾見青旂上苑回。瑞幡仙萼翦刀催。立春日朝簪皆賜幡勝于上閣朝來獨曝茅檐日。且暖蓬心一寸灰。

庭樹

巖曲孤根爲底來。婆娑生意畫雲開。霜繁露重樛枝落。借問于今材不材。

潛溪晚歸二首

詰曲山阿冒石梯。聽泉尋竹到招提。憑闌未徧催歸馭。可惜溪西更有溪。西溪廬溪二僧舍相去數里日晚遂不及往

利利尋僧駐蓋頻。已聞歸騎趣城闌。巖雲不散溪泉咽。野色幽聲共怨人。

和晏尙書宴歸馬上醉題

寶闕凌雲晏罷初。紛紛歸騎徧春衢。燈光月彩留清玩。不覺車前甚寵呼。

聞蛙有感

燕池昔有金丸戲。蠅氏今無牡菊烟。暗水羣鳴聊借問。爲官何似爲私年。

雨夜達旦爲蛙所聒

萬數鳴蛙暑雨天。此聲何必問憎憐。周公忍事腸三斗。寄怒猶燒牡菊烟。

傲廬僻遠因畜鳴雞爲入謁之候歲久馴狎其信如一因成短詠
唳鶴啼烏隔斗城。啾啾辛苦報朝纓。傲廬不識端門漏。長媿東臆第一聲。

小園四首

小園煙草接鄰家。桑柘陰陰一徑斜。臥讀陶詩未終卷。又乘微雨去鋤瓜。
歷盡危機歇盡狂。殘年惟有付耕桑。麥秋天氣朝朝變。蠶月人家處處忙。
村南村北鶉鳩聲。刺水新秧漫漫平。行徧天涯千萬里。卻從鄰父學春耕。
少年壯氣吞強敵。晚覺丘樊樂事多。駿馬寶刀俱一夢。夕陽閒和飯牛歌。

夙興

夢驚單枕拂霜毛。月影初低燭影高。枝上萬禽猶寂寂。寒雞何事獨三號。

和參政丁侍郎洛下新置小園寄留臺張郎中詩三首

勤勤高意念林丘。新買溪園洛水頭。千載聖賢方契會。恐君難作赤松游。
芝廬松塢富煙霞。更接西臺御史家。借問賢人何日聚。定知郎宿映台華。
十畝名園隔世塵。山嵇風義暗相親。只應歲晚凌霜操。併託松篁待主人。

睡足河陽事簡。卯後方離枕。

府廡寥寥似野廬。晏眠猶厭闌鈴呼。不知雲夢澤南日。杜牧爲貴州日有詩云。平生睡足處。雲夢澤南州。得似富平津北無。

晚登信美亭

磴道盤紆薄晚雲。天邊疑見斗方春。此亭正望京闕清風萬里知何意。吹盡華纓漠漠塵。

照虛亭

洛渠西北暮煙來。碧瓦朱軒壓水開。岸曲便容剡木艇。階脣仍作釣魚臺。

廢園

金谷蒼茫舊里存。年年芳草怨王孫。游人慎莫尋荒徑。霜露霑衣似淚痕。

過紫嵩菴

新結禪菴當小齋。見山何必上高臺。嵩巖更似知真賞。雨罷先供翠色來。

和謝酒

臘脚春槽細溜香。一杯何幸得君嘗。十年離恨無銷處。且付山公酩酊鄉。

汴渠春望漕舟數十里

虎眼春波溢岩溝。萬艘銜尾餉中州。控淮引海無窮利。枉是滔滔本濁流。

屈原

蜜勺瓊漿薦羽卮。脩門工祝儼相依。蛾眉雜選無窮筴。澤上迷魂底不歸。司命湘君各有情。九歌愁苦薦新聲。如何不救沈江禍。枉解堂中許目成。

雜感

從古忠賢困佞邪。區區塵冊費長嗟。誰人肉味知何似。豺虎剛嫌汗齒牙。
枉尺由來賤直尋。巧機愁殺漢川陰。莫將三四爲朝暮。虛攬羣狙喜怒心。

詠竹

穉阮生平憶共游。此君高節最凌秋。兒童少作并門騎。千畝留封渭水侯。

冒雨出省示同舍

簇雲絲雨共淒迷。紅日應銜苑樹西。陌上絳塗深幾許。羸驂無錦可障泥。

黃孝恭失官多作歌詩極于哀麗

禿翁無版出無軒。清藻千章愬舊冤。可惜騷人能設問。皇天終不答根源。

宿齋太一宮卽事五首

仙樓觚闕槩雲霓。弈弈威靈擁太禘。海內兵銷無伐國。牡荆閒偃漢宮旗。
蹇產通天百尺臺。歲祠三一羽旗開。臥聞野雉宮前雊。應有神光壇上來。
宮垣寶勢壓靈鼈。窈窕齋房宿幕高。倦枕不知秋已至。商音半夜入雲璈。
瑤蔬瓊屑奉齋場。蔭席時飄鷓鴣香。永晝不聞賓榻語。併儲真氣助龜腸。
碧篠珍叢北戶陰。時時天籟著風琴。體中癢點何須判。一夜甘爲洛客吟。

遇雨放朝余至掖門方審戲呈同舍

詔恩獨謁靜朝扉。掀淖都街獨未知。同舍恣成莊蝶夢。可憐臣朔忍朝飢。

過都造朝入見之日蒙恩延登賜坐感天荷德退而成篇

出守西周又許田。白頭何幸再朝天。升階子細瞻堯日。不似侏儒夢竈年。

周道士本簪裳世家。齠年便慕真教。今爲廬江黃冠。與余有中表之好。千里見訪。惻其孤立。因告別也。爲小詩以勞其志。

親見烏衣竹馬年。如何便學草樓仙。長安名利非真趣。好趁春膏種玉田。

小疾請告

晝枕高春體不勤。客來猶復著綸巾。冒榮初牒無三最。寧是朝家予告人。

祭春偶作呈通判職方

關外春來亦可憐。平明簫鼓濁河邊。殿門恩澤催幡勝。朝廷故事。立春日。賜近臣銀鑲金塗幡。勝于上閣。各有差珥冠謝恩。上殿奏事。不預朝簪。

整八年。

晏公喪過州北哭罷成篇二首

昔迎留守蕭丞相。癸巳秋。公自長安。成余守洛。今哭談經戴侍中。公久留經筵。以備顧問。一代高情無覓處。落花殘日九原風。

故郡迎喪匝野悲。公嘗鎮許昌。柳車丹旆共逶迤。泉塗自古無春色。可惜森森瓊樹枝。

帖子詞附

皇帝閣端午帖子詞

吹律蕤賓動。乘離玉燭明。薦盤荆俗黍。頒餌漢祠羹。
寶軫流薰唱。仙壺永瑞曦。欲知人厲息。天報艾生遲。
寶典靈辰舊。皇居瑞應偏。冰紈能辟暑。絲縷解延年。

宮中命縷千絲合。階下祥萸五莢芳。漢殿桃枝先作印。楚人蘭葉續爲湯。
天關卻暑金爲狄。帝坐禳氛斗轉樞。不似人間傳節物。歲時長作辟兵符。
葉宮瓊構切昭回。五月嘉辰萬壽杯。舜殿薰風琴裏散。漢閨明月扇中來。

皇后閣端午帖子詞

魏井開冰潔。齊宮獻服新。宮門無暑氣。猶許艾爲人。
朱索連葦種。仙繪篆祕符。誰知萬靈貺。先日擁椒塗。

鮮雲瑞旭樓前曉。寶艾芳椒殿裏香。五數已知隨地永。九重更自配天長。
楚筒結稷金盤麗。班籬裁紈玉字輕。琥珀透蚊光不滅。瑤箱乳燕羽初成。
篆桃刻印神圖術。采藥和丹寶笈功。欲驗嘉辰蠲毒處。輕炎不入廣寒宮。

天人閣端午帖子詞

令月辰標午。皇居物效祥。仙蒲九節長。宮樹萬年芳。
越箏輕裁玉。齊紈巧縷冰。宮中雖命節。何處有炎蒸。
漢家宮掖與天連。桃印金刀瑞氣鮮。朱夏雖稱五之日。皇圖自樂萬斯年。
金徒漏永烏猶渴。寶扇風徐雉欲飛。借問人間傳綵縷。何如石上拂仙衣。

元憲集卷十六

頌

乾元節祝聖壽頌

臣聞元聖誕生。萬代猶乎旦暮。大年垂祉。千齡永乎春秋。故榮河一清。而躋此盛期。樞電四照。而肇此靈契。必淑若而能濟。疇虔鞏而不興。惟皇上帝。監觀于下土。鋪昭乎俶謫之祥。以佑民而樹后。於鑠令王。願誕于葆命。翁受乎胤鴻之祐。以承旅而制世。覆眡典式。逖聽風聲。自青素更期。質文參變。帝皇之符。紛綸而膺。期紹至天人之際。精禋而屬象相因。莫不肇之以積累之源。濟之以丕嘉之績。用能統一期運。保乂函夏。福浸羣元者。其邦昌。德美列辟者。其齡永。岐周之隆也。肇后稷而創業。迄武王而革命。然而典刑丕式。十八王而崇冠。至治者。成康之功也。炎漢之興也。自唐堯之垂裔。及高皇而啓圖。然而文教寔盛。四百祀之保寧丕業者。文景之化也。惟積基之憑厚。能垂統而縣盛。故累德逾遠。而致治逾逸。受命甚易。而格來甚勤。洪惟本朝。遠誕于真系。皇矣藝祖。出應于嘉運。一戎而基業大定。再造而寰瀛底寧。憲度著明。規模洪遠。太宗秉籙承樞。拓迹開統。撫乾維而張化。肇天歷以在躬。東南一乎尉候。小大懷其威德。真宗紹庭闈。握河紀瑞。重規杳矩。鼓熙寧之風。勤崇垂鴻。講曠絕之禮。一德皆暨。羣方率同。緝王綱而載張。垂帝典而明備。精兆畢應。遐源益昌。誕毓英主。嗣有令緒。恭惟皇帝陛下。躬天挺之姿。盛燦涌之德。重華叶

于帝則下武配乎王京。據五精之題。開階有立。御二氣之辨。乘策無繁。高拱而視乎治平。垂精而宅乎丕顯。豐矩彌茂。庶績越熙。若夫沕瀾流祉。神靈告期。里社載鳴。渚虹有煥。鍾堯門之異稟。軼稷巷之前徽。岐嶷而德受于天。覃訏而聲載于路。銅律御戶。導揚于叶氣。銀題署宮。付畀于景數。降育之祥也。生而靖淵。長而敦敏。舜瞳鑒物。是謂文明。漢準膺符。多乎奇異。儼珠庭而凝粹。懷玉斗以效靈。足履己而手握。聲爲律而身爲度。體貌之殊也。茅社始建。雍睦必聞。桂坊亟升。溫文允著。俎絕登鮑。肆開洊雷。一有元良。正邦之望洽。能鎮大事。形國之功著。納麓歸運。承宗主鬯。繼聖之業也。虔顧天歷。入登帝宸。間往長信之朝。思齋太任之德。尊爲天子。有懷于孝恭。禮同家人。無懈于省視。瞻三后之暉烈。懷四時之永思。凱風寒泉。增孺慕之延感。履霜濡露。念先靈而載惕。至德有立。羣倫斯厚。高世之行也。淵默臨朝。靖恭守位。既疏明而暨遠。靡矜奮以自賢。豁然度量。而除其侮慢。慎乃號令。而盡乎溫雅。忠潔咸懷。豪英畢力。絕去小察。時罕書馬之憂。容受直辭。人無批鱗之懼。君人之量也。寵接師傅。講求盛典。申命儒臣。遞侍清燕。以天縱聖能之識。勵日就緝熙之學。古今之才一石。總製清衷。衡石之書百斤。率歸宏覽。粉澤六藝。鼓吹羣經。若稽古以聰明。茂對詩而化育。柏梁之遊。間流藻詠。太液之唱。庸作永歌。雲漢之章。昭回河洛。之書開奧。至若取倣奎之像。運錯寶之跗。鑪烟裊清。商滴貯潔。默運宸思。奮爲奇蹤。金錯煥成于秀範。珪稜曲盡于寶勢。極盛王之能事。示黎獻之茂矩。睿哲之才也。緝布朝經。敷求民隱。具明徹寢。晨晷忘膳。敦遣八使。廉察謠俗之弊。申敕列牧。沛發劭農之詔。核名實以無濫。擘權綱而盡在。懋建中和。旣陶甄而獨化。兼總條貫。若

金玉之相振。國容眊令而動。朝章設象而備。政理之舉也。小愆兢懷。慮乎辛螫。無逸存誠。執爲元龜。居循輿几之銘。動亡弋獵之喜。六飛奉駕。靡數蹕以煩民。十產罷臺。惜暫勞而役物。躬行素尙。循致太寧。卻纂組之害工。破雕觚之返朴。頭會之賦無斂。根著之萌悉裁。訓雅俗以歸厚。扇廉風而激薄。黎蒸罕乎淫泆。飛潛遂其翔泳。風化之洽也。慎執邦憲。昭示明變。理或註誤。雖重必貸。情或千犯。雖細不宥。防吏議之寢蔽。設使匭以延納。左嘉之枉必達。北軍之章靡亂。酌呂侯之制。審簡孚于三千條。用漢皇之心。除慘酷之五十事。刑典之平也。誦酌三策。輯修善經。武節飈逝。威聲霆振。執柔轡以善御。驅戎駕以遠撫。旌旗千里。弭朔塞之遺征。干羽兩階。服苗民而狎至。燕弧委勁而不用。敵火投降而徹警。總萬域以連帶。納羣戎之削衽。治軍保大。示天子之守在四夷。侯海來臣。知聖人之生于中國。武功之戢也。崇尙儒術。宜臻國猷。登闕三代之英。罷黜百家之學。揭仁誼以浸太和之俗。緝文物以暢無垠之聲。紀律煥巍。容典緝備。學庠講道而申悌。樂府登歌而協律。乃復張英毅而在御。掩俊藪而擢茂。設旌賁以來巖穴之士。物色相望。復制策以登襄博之流。方聞並進。文教之盛也。若乃基緒會昌。民俗寶富。必有精稜威容之典。以奉先報本。故修祠吉土。比歲登乎緝儀。昭孝闔宮。以時修乎潔祀。肆類禋宗之禮著。思文陟配之詩作。誠動穹壤。義孚人祇。德澤隆洽。功業震耀。必有衆變諸福之物。以儲祥而傲祉。故瑞日流景。喬雲駐鶴。星暉露潤。乾之符浸潭而享其應。嘉生挺姿。珍羣育質。月至日集。坤之珍絡釋。以效其報。丕律旣顯。蕃休滋至。方將巡岱。嘯而展采。陟仙閣而封檢。嗣烈考之茂實。昭聖帝之盛節。粵若歲在作噩。月維仲呂。紹隆綿瓞之緒。誕育猗

闡之所。若夫乘離正位。所以肇繼明之業也。執衡在序。所以示丕平之運也。德盛于火。所以隆炎赫之期也。性屬于禮。所以昭揖讓之治也。惟聖間出。與時相符。于是七相五公。鼎席之輔。羣司百執。朝紳之伴。相與仰逢吉之辰。贊重雍之旦。酌鴻典而具舉。罄亮誠而善頌。以謂行健不息。美利天下。乾之道也。于以叶宸算之常久。體仁以長。資生萬物。元之義也。于以配鴻名之首出。參考馨烈。稽合棗彝。(案)原本作棗頤。今字。願以徽稱。紀于嘉節。臣志虔達。帝俞俯遂。若乃緹帷宿設。藻衛環列。銅鳥遞風而細轉。玉虬注漏以遲度。銀題朱網。斂夕靄以蕭寥。采旣英矛。晃晨暉而容與。金璆在肆。應節而徐韻。伊銜組。樹羽之器。率陳于陞次。珪帛充庭。移珍而來享。雖異域殊方之寶。亦備于壤奠。奉常整儀而辨等。臚句唱警而傳導。朝弁就陳。陛戟嚴列。皇帝鳴采芟以榮步。凝蓬藻以臨幄。張麟文之席。搖雉翟之扇。帝暉煌煌。燭于周行。若北辰拱衆星于中央。朝容祗祗。伏于宸威。若湛露匪太陽而不晞。森然拱著之位。穆若陟降之度。傾心胥向。動色相趨。于是上公進而言曰。陛下席曼衍之圖。隆駿遙之德。道參侔于往初。澤羨溢于潛邸。幸臨方夏。兼並神明。勤于邦而勿休。介爾壽而彌億。臣等樂景化之寢被。省親逢之重幸。惟門弧之在旦。罄野芹而申祝。謹奉觴而載拜。上千萬壽。制曰。俞。舉公之觴。風行之令一降。嵩呼之聲四達。下陳齊肅之志。上諧純嘏之祐。緝憲交舉。華紳夙退。穆若歎頌。由神臯而及四方。薰然太和。自編氓而及羣類。宜乎後天難老。與日並明。撫五辰而凝績。迄至登平。據三靈而獵福。保隆久視。夫祝堯爲願。著厥華封之言。誕聖流歌。載乎唐室之典。盡善之美。乎虞帝。長發之頌。乎商王。矩矱具存。飈流不泯。下臣寢陶醜化。被服素芬。輒陳擊壤。

之歌仰祝如山之算。稽首濡翰。謹獻頌云。天有成命。基宋之盛。德垂後兮。於穆聖皇。臨朝有光。道冠初兮。里社之鳴。喧然有聲。顯受命兮。帝生于室。神光四溢。觀者悸兮。帝御于宇。懿和宣布。蕩難名兮。執衡在序。達樞流祏。昭有異兮。北斗迴杓。舉觴于朝。達臣誠兮。南山之壽。極天且久。垂無窮兮。

國陽大報頌

臣聞職乎覆載。天地之化均。推乎功德。祖宗之誼一。化之均者。其報等。故明察之祀。曾是而並升。誼之一者。其孝同。故妥侑之主。無嫌于交饗。此設教所以本神道。議禮所以沿人情者矣。矧夫兆福時于陽位。差穀旦于天正。陟降惟寅。采物具舉。三靈逆箴。四海來助。對縟禮于盛際。進明德于升聞。遙駿有聲。上帝穆其臨汝。敷聞于下。三后赫其在天。巍巍煌煌。禮之大者。是則耿命之所集。至聖乃興。精意之所禋。嘉生攸降。著在耳目。合若符節。天人之際。不其顯哉。國家蓄五勝炎靈之精。聖上席四葉重雍之烈。丕冒綿寓。休有神器。若其冲用居質。淵泉而博厚。妙年纂服。神靈而敦敏。天光內發。乾亨首出。金玉其度。神明其位。三年之諒闇。既言乃驩。復旦之光華。重合于帝。建號之始。聖乎殄行。而朕師不震。有洸洸之武。持盈之際。秉其文德。而多士對越。有安安之思。奉養長樂。躬高世之三行。有匹夫之孝。內睦公姓。親在庭之五大。有家人之禮。一夫未獲。則矜而弗喜。一政未乂。必退而更化。和氣溢于萬物。厚福浸于羣氓。羣焉若泰山之加四維。昶焉如宏綱之經萬目。天下之大本舉矣。帝者之丕功集矣。方且軫無災之懼。愀若以薦辭。歌小毖之篇。周爰而求助。武銘徧于戶席。漢諫緝乎帷囊。謙尊而光。業久而大。天啓淵慮。魄兆嘉貺。若曰三服容

于自損而玉帛得以加。六膳可以自嗇而性怪不敢愛。況三年之祀。疎則怠焉。七里之兆。往不勞止。幸天之相而歲之易也。朕將再執籩豆。以郊見于神祇。令下于源。絲出而綽。于是當國之輔。刺經之倫。表義以相趨。冀翼而旅議。莫不稽仙源之自酌。聖考之規。謂夫皇基所開。系自真祖。故先祠有景靈之謁。元命申錫。主乎魄寶。故已事有玉清之拜。尊親兼極。變于禮而得宜。先後不違。過乎恭而何害。定命茲允。前聞夙絕。既而寶穀登實。良農告休。日舍于箕。卦御乎坎。弊竅律裁。同一氣而未融。漢書叔孫通傳與原本作漢第無改今據改棲野繕多儀而豫定。于時百工庀具。千官聯職。上公端委。誓于文昌之坐。天子淳濯齋于端

闈之寢。屏舜羶而易饋。掩漢筥而停讞。凜雪天慮。秋游氣辯。俄而紛藻仗。出皇居。頽真場。躋太室。祝嘏並詔。臣工胥集。貴聲之樂。登歌于堂上。合食之主。流出于戶外。俯伏奠獻。悽愴齋明。迪神貺而溥將。勵孝思而極摯。始復御威輅。翳華芝。織阿扶輪。大丙前馬。抑繁吹而不作。遡陽郊而徐驚。軍輜雷動。神旂電舒。八變異響而均和。六龍駢首而如舞。豪英之士。玉色而同輿。葩華之雲。金柯而擁蓋。豹尾樹後。皆爲省中鈞。陳旁翊。是嚴帝座。背天闕。幟都門。三條荷衢而平趣。帷宮百靈護野而遂至。祠所皇羽設邸。煥幄綴珠。門闕窳而表旌。天穹崇而垂幕。若夫圓壇中立。神垓遞降。綴食惟旅。陪祀相望。夷酋司燎。田首施燭。且其曩雲房俎。羽林秀華之品。宿設而芬樹。鳧鍾鳳箭。琴絙瑟越之器。凝鏘而聲展。龍常瓊鋏。飛輪疏轂之乘。夾右乎道。周星槍璣弩。戴鷗被繡之師。鑿鬻于壇。次日在癸丑。夜半冬至。百執就列。九賓相儀。不赦不吳。有嚴有翼。皇帝被天袞。執鎮圭。儼遂旒。卻黃屋。槃匱奉濯。親就于東。曩茨夏。攬音徐。陞于午。陞上帝富媪。南

嚮異席尊之至也。烈祖神宗。左方並侑。情之盡也。天子一獻。以致虔。藩戚參奠。而成禮。紛庶豆。以孔碩。揚信辭。而無媿。歌鍾詠德。藹坑谷。而皆盈。羽籥振容。率鳥獸。而咸舞。連珠合璧。屬于象者。無不歆。喬岳翁河。統乎神者。無不秩。羣官分命。以惟恪。衆神受職。而交驩。酌福飲。以浮椒。峙榘薪。而熾燎。皇猷允塞。熙事備成。回瑁輿。御帳殿。冠劍旅賀。兵師齊躍。逮長日之升晷。麾洪頤。而復路。峇嶢南闕。國貯天臨之儀。膚寸東雲。民希雨施之澤。旣而端鳳屐。揭雞竿。大令辰告。而在邦必聞。衆皆並肆。而與民更始。是日也。塗歌邑頌。仁翔德洽。逮繆已責。優絲緩調。在疵者濯。居幽者炤。盡解犯命之網。措刑于三千。無出今年之租。興頌于什一。亦旣讓德不處。歸勳有恪。練吉日。朝密都。敍拜貺之儀。罄謝成之悃。再荷百祿。以綏兆人。盛節能事。斯爲至矣。臣嘗學舊史。竊訂大猷。以爲宋雖舊邦。而其德維新。郊雖典祀。而厥應尤顯。當盛禮之草具也。兩宮叶議。周旋抑畏。固避號榮之舉。上儀之將展也。九河順道。切和疏寫。亟紆昏割之患。吉土之親饗也。隆冬變候。密清和照。訖無陰霾之祲。是三烈者。不待瞽史而識。天意之悅。無煩巧歷而知。帝運之隆。砰隱乎殊休。覺悟乎黎獻。跨風邃古。垂照來今。將使允燦者。咀其餘甘。猗那者。照其絕焰。斟酌飽滿。飭厥性而用和。滋液滲漉。泳湛恩。而無際。非我休運。其疇宜之。而臣汗軼朝倫。濫巾冊府。陪委粟之苾祀。叨甘泉之率引。目飽懿鑠。心萌詠歌。罷黼繡之張。獲聞于夜誦。均蟋蟀之候。難默于秋吟。願紆感發之誠。少抃鴻鈞之世。拜手流汗。謹次頌云。上帝屹壇兮崇造天。二聖侑享兮嚴吉燭。神光焜上兮風肅然。欽柴皇燎兮升高煙。蕭斯露澤兮浸羣元。叶風順氣兮翔天淵。垠開闢決兮曼壽延。表世題期兮彌億年。

孝治頌

臣聞人肖天地。故聰明之性以發。君爲元首。故教化之端是屬。因性以飭順。則貫三才而靈萬物。所由貴也。因端以闡序。則加百姓而刑四海。所由廣也。聖人尊其祖。然後嚴其配。故曰能享帝于郊。王者奉其先。然後思其孝。故曰善述人之事。若乃挺至聖以獨運。警含生而知勸。纂戎紹服。兢業。一二月而惟幾。推誠顯。猷尊親。千萬人之所悅。不家至而日見。大訓以成。因天明而地察。至誠交感。禮樂不變。而盛夷夏不威。而服嘉生。紹瑞非號。召而自至。烈風迷雨。不禳禱而時若。輝光篤實。以臨下。滋液滲漉。而懷柔。綏之斯和。變至于道。畢天下之能事者。其惟大孝矣乎。我國家基命太初。凝圖無外。紹五精之正統。而炎靈獨舊。陟百王之叔世。而敦風載始。寶胄系于霄極。至德結乎人心。巍巍兮皇階。灑灑乎帝籙。太祖包戡武之度。畫杜荆以麾天下。則僭僞之風革。太宗隆右文之治。擁蘿圖而稽古道。則聲明之禮輯。真宗席御辨之正。刻喬峯而施顯號。則天人之際交。三聖蔚其嗣興。萬物以之衆服。宜乎流錫羨之慶。暢猗那之業。皇乾開與子之命。清廟歌承祚之制。重熙累洽。寢講乎大猷。開物成務。允鍾于亨會。故聖上之統嗣也。龍見淵默。星輝海潤。操斗極以布席。協帝華而居質。齊聲穆穆。神禹之紀綱。夔夔蒸蒸。帝虞之齋慄。以謂可久。可大。聖業也。故明德而日躋。不愆不忘。舊章也。故先謨而時憲。若夫守文繼體之盛準。自家型國之徽烈。后辟行而未盡。典禮放而難循。以萬乘之尊。躬匹夫之操。由不匱之志。奮無窮之烈者。又可得而言矣。當其正位。朱邸。飛名蒼震。主宗器以受純嘏。宅前星而摘景鏤。父子之篤天性也。故日造于寢門。君臣之義至公也。

故不絕于馳道。奉承大統。協田龍之占。務近正人。無鮑魚之嗜。不因乎喬梓之戒。而至性內融。不因乎羽翼之成。而羣心自定。先帝功極道備。深居高拱。方將玩赤水之祕寶。蹈汾陽之清塵。爲于無爲。事于無事。乃咨一二之元老。左右之皇僚。率籲同心。陪輔儲幄。委庶政以裁決。付大命而緝熙。陛下式在妙年。弗獲牢讓。博覽兼聽。迂身抗設。法司過之史。以輔乎闕遺。操監國之勢。以光乎威命。聖人作而萬物覩。大明繼而四方照。此世子之孝。所以教天下之事。其親也。迨夫文考馮玉。羣后在庭。設綴衣。洮頰水。舒德音。揚末命。陛下嗚噎流涕。永悼于厥心。尊嚴若神。嗣躋于大寶。居廬啜粥。蹈布衣之難。攀髯號弓。極人子之慕。百官咸聽于冢宰。七月遂至乎同軌。春秋大乎居正。而卽位之後。踰年而改元。昭穆本乎顯親。而因山以還。禘廟而作主。緜燧穀以凝威。遏伶簫而銜卹。二年之制。無改于故常。一惠之名。首尊于洪顯。矧以漢家廣祀。作原廟而游衣冠。故我敞景靈之庭。奉安乎法座。皇世訓道。著大墳而冠丘索。故我寶天章之錄。渙揚乎遺懿。奉先之文備矣。追遠之誠至矣。而猶恭默思道。效商宗之不言。敦朴爲先。法孝文之高世。此諒闇之孝。所以訓天下之全其禮也。先是顧命之詔。受遺有屬。升文母之不號。克舉懿綱。開長樂之東朝。共熙大事。陛下祇遙寶訓。欽奉慈顏。調法膳則躬謁乎璇闈。量衡書則先上乎椒極。威顏咫尺。周旋咨度。內法純儉。從大練之風。參講臣鄰。無冒絮之責。固以道高于興夏。功茂乎翊周。均載物之至德。凝倪天之奇表。柔風扇于頑豔。碩惠淪乎骨髓。善教興乎闈闈。至化衍乎垠堦。豈徒罷畫工者三十九鍾。政是用請散脂田者四十餘頃。利均乎下。書曰。惇敍九族。易曰。保合太和。緬遺訓而有屬。此奉養之孝。所以率天下之廣

其愛也。古之哲士，僅行一節，猶或載緹細而騰茂實。今茲陛下克舉三善，固足蔽穹壤而流淑聲。矧復秋駕載懷，明緝慎出，仆威械以除亂本，薦馨德而培福基。時禁備修，山澤免夫童竭，嘉生報降，菽粟均于水火。祥琴式御，而深詔郡國，興廉舉孝，新宮既享，而親執豆籩，類帝禋宗，澤周乎跂喙之微，信及乎豚魚之隱。咨俞故老，日臨軒陛，未嘗忘乎獲友，欽恤明刑，齊居螻蟻，念惟輕于疑罪，寶行乎曰慈曰儉，而媮俗以敦，退託于不敏，不明而下情畢達，是故先帝棄羣臣，而海內如一，太后輔丕業，而神功莫儷，陛下當耿命而天心膺合，三辰安于次舍，五氏銷乎祥眚，癘疫不作，人神靡雜，非夫動按成法，見堯德于羹牆，居念遠圖，編武銘于觴几，盛百年之化，善人之殘殺可勝，御七月之篇，王業之艱難，斯在日慎一日，新之又新冠，百行而爲宗，放四海而皆準，經曰明王以孝治天下，此非其效歟。由斯而談，則泰山四維，不足爲其安也。蕭韶九成，不足爲其和也。如日之升，如月之恒，不足爲其熾而壽也。與天比崇，與地侔資，不足爲其貴而富也。所宜緘鏐檢鏤，玉牒以誌，蒼髯操牛尾，舞鳳箭以歌其緒，餘下臣資性素冥，才業無狀，陶被至化，鼓舞下風，情發于中，竊擬游童之詠，善無求備，或筮稗官之說，生不敏，敢獻頌云：皇穹佑民，聖心闡序，世詠在三，天常惟五，大孝稱首，爨倫式敍，至德要道，人存政舉，赫赫炎宋，專以孝治，身正家齊，天經地義，四聖迭授，羣元大庇，我后篤行，亶無遺懿，昔在初潛，溫恭白天，寢闈問豎，學肆鳴絃，陪樞輔極，納麓承乾，茲曰子道，爲天下先，文考大聖，道揚末命，終陟垂謨，傳歸有慶，創鉅纏痛，諒陰積行，茲曰善繼，爲天下正，洪惟聖后，儀于坤德，參決萬機，寵綏四極，理內正外，和聲怡色，茲曰廣慶，爲天下式，蚩蚩之氓，含滋襲馨，如

網舉目。若景隨形。翔仁率土。浸福重溟。一人有作。萬世攸寧。

天罰有罪頌

或稱皇初之世。不賞而勸。不罰而懼。豈曩策之彌文哉。讓者云否。彼固未識夫震耀之飾天威。剛健之奮乾體也。粵若聖人。制海內之命。據天元之尊。總秉權綱。參敍典憲。不有威辟。不足以震元愍。不有愆咎。不足以章顯戮。用能輝皇聖。憲宗軌丕天之大律。一民之至權者已。臣人在宥。列聖繼統。際天丕冒。亘地砥屬。仆威械以去殺。襲道樞以訓儉。恩裕洪暢。容典賴盡。萬物取足。合祛于皇極。百靈隕祉。動震于珍物。然猶左賢右戚。均權布寵。百辟箴官。內平而外成。五大在邊。番述而遞上。紬繹羣慮。防檢來患。恭迓永命。觸滌多辟。勤勤懇懇。非消亂之謂歟。然而善制未能無敝。殷憂所以啓聖。迺者巨猾乘間。朋邪締謀。嘯襪祥之妖。席鈞宰之貴。弗戾蜚語。怙有姦計。爲國取怨。在內爲宄。遂欲包禍。心以竊發。執左道而干紀。城社無薰燒之畏。宗社有阽危之忌。天命不滔。姦惡具露。輔臣建白。醜黨震壞。赤車具獄而來上。兇豎伏質而前死。皇帝陛下。深拱諒闇。覽照前典。重當國之職。慎退人之禮。詔曰。冢宰之任。天下所繫。今丞相謂自底不令其上。大司徒印綬。而攸司程奏。百執抗言。無將不誅。與衆共棄。願伸大戮。以懲元惡。帝曰。朕不忍致于理。其謫于朱崖。然後起圻弛之臣。明枉結之獄。培克之貨。簿上于官。附麗之黨。肆赦一解。漏鯨喙于網目。催虎吻于市道。篋有辯論。益無漏暉。方內謚清。天上澄煥。攘去蒙氣。質延大和。惡草絕而善苗興。清風翔而羣陰伏。人靈紓憤。道路相趨。于是搢紳之徒。喟然稱曰。先帝遠豫。柄臣間覺。陰嘯不逞。規投天際。食楛

弗變。指莠待滅。陛下先斷宸慮。探觀時變。仗文母之援。攬列辟之議。殄介不靖。終曰未滅。宇內澄洗。蕩無餘災。定茲寶業。極高山之安。殲厥渠魁。易家人之名。智不回慮。惡未旋踵。事已決矣。昔滔天殛而虞功著。流言放而周德奮。觀闕誅而孔制烈。寶瑟僵〔案〕寶瑟僵漢莽何羅事原本作寶琴今據改而漢基永。皆有常之盛準。撥亂之通術。所由來舊矣。烈祖二宗。墾災除害。肅清衆慝。若彼之深也。太后聖上。建威聿萌。祇遙先訓。如此之至也。宜乎奮景炎。燦淳烈。春秋謹始之制釋。洪範作威之害聞。賜無疆之眉壽。摛不朽之尊名。此其時矣。蓋天子箕焉在疚。貶成抑定。未遑制作事也。下臣鏗跡遐外。遘辰熙盛。吮甘實。酌微波者。有日矣。以爲罰不失罪者。賊于懼。賞當其功者。勞臣勸。今陛下去一不仁。辨百無罪。而兆民賴。萬祥集。非天下之至感。孰能預乎。臣擬下品不足紀。次新頌。輒敢述輿人之詠。簡康衢之詩。亦擊轅折楊之比爾。其詞曰。於鑠炎宋。奄受方國。監觀上帝。底止明德。越在四世。惟新百度。往聖上仙。大明績務。叢爾尊豎。乘間偷權。放命于國。興辭託天。罪惡腥聞。建白攷治。醜黨銜刃。兇兇投裔。乃下明詔。誕告多方。橫貸枝附。昭雪忠良。三靈不怒。百寮動色。絕其本根。勿使能植。去危卽安。萬務有益。聖皇敷之。不息暇逸。慶無疆兮。惟休。慎無疆兮。惟恤。

元憲集卷十七

頌

維摩經諸品頌并序

如來之教。有真語。有實相。語之真者。不以辯妨道。相之實者。不以物障空。何則。道本無言。而應有言。故言之者。非我。法本無相。而資有相。故相之者。自彼。是以聖人鼓羣動。離萬物。終身搖喙。而默理常存。狀六塵形。四大彌劫。利見而虛宗。愈寂此權實。所以共貫。空有所以兼融。破物我之長圍。航生死之巨浸。假道于彼岸。托宿于泥洹。倡狂妄行。而蹈乎大方。茲解脫。所以不思議也。維摩詰者。可謂體其真實矣。若夫毗邪示疾。身同凡品。香積致問。化超神表。歷詰衆聖。則辨均有情。深入法門。則默過無響。精而諸佛不得異。恠而他見不得逃。可以名而名。無所得而得。其真大乘之高轡。聖域之幽關者焉。而昧者方競競然。疑淨穢之一區。同異之一轍。且欲遺凡以取聖。封大而擠小。責真空之所在。求希夷之所到。火馳波蕩。若畏岑而就攻。可不哀哉。故斯經之作。所以救斯患也。議者又謂無緣則無法。有教必有心。淨名現方便。以拯羣迷。文殊因酬對而破諸蘊。夫至人者。亦有爲而然耶。余曰。不也。夫震雷出地。昆蛟奮蟄。長飈薄野。山林效響。彼寧繫懷于震發。而措意于怒號哉。物自爾爾。是則慈心所演。大音所唱。羣生鼓舞。三界歸往。不知所以然而然者。亦猶是焉。余稚齒多艱。中歲銜卹。笑笑殘喘。廬于郤外。每閉戶焚香。呻吟梵帙。升濟先福。是焉。

攸託而心之所嗜。復在此書。爰因成誦之隙。竊效重宣之義。且經之所統。品凡十四。始于佛國。終于囑累。其因緣之本行。證詰之細條。秦園大士。注之詳矣。雖欲黽勉。強加論辨。是徒飾筌蹄之具。何益魚兔之實哉。然大悲普熏。軟語傍浹。時有悟者。燭然如高燈之破闇。灑然如仙丸之愈疾。視昭毒已。不能無喟然之歎。故略因諸品。各爲短頌。每緣短頌。先標總意。嗟夫。法藏淵曠。聖心超邁。欲以幻相之文字。強標大道之崖略。知我罪我。將焉避之。含毫洗心。辭不逮意云爾。

佛國品第一

夫大空無倪。而穹隆寥豁之形。生乎障空者也。大塊無畛。而封埒遠近之界。生乎有地者也。然空塊之狀。詎有識其全耶。是以佛國無方。隨感輒報。土之淨穢。由心之迷悟。境之廣狹。視機之大小。萬法取足。于我無爲。故舍利佛以土石致疑。梵王以天宮自況。或囂或潔。皆出彼心。妙域湛然。未嘗有異。如來之旨。其在是乎。頌曰。大明經天。容光必照。隙取圓輝。戶分方皎。方圓雖珠。照乃一區。佛土之應。其由是乎。噫。嗟羣生。出沒三界。觸妄成迷。逢塵作閔。行業分鑣。報緣異槩。我國無方。隨機小大。心淨則土嚴。智昏則境穢。穢本嚴體。嚴非穢外。譬彼衆生。是卽法城。此如可捨。彼亦可營。故曰。深心直心。隨意隨行。無入非門。何馳失境。法則萬差。此惟同應。應之者誰。初無有定。稽首能仁。超名離眞。在天而天。在人而人。梵螺依慧。鷲子求因。復攝神足。方如法輪。

方便品第二

天道非言不曉。非道不遣。聖人必立言以示教。故利能及他。及他則方便之術也。終忘言以除累。故法無所執。無執則真實之體也。今維摩因身以現疾。因疾而談苦痛。自詬病而使求法身。法身本空。吾復何患。非遠覽之士。詎能因末而達本哉。頌曰。非有非無。是惟法妙。不因不緣。法亦無詔。因緣伊何。標宗示兆。標示伊何。方便爲要。皇哉淨名。妙喜之英。來游忍土。將開化城。示身有疾。以質無生。身本無狀。如炎如響。聚沫虛恨。春蕉妄想。電影天外。泡影水上。一念不停。四大誰掌。嗟此妄塵。當求法身。萍窮得淨。幻滅逢真。希微其象。眇莽其神。故吾自故。新吾已新。迎之不見。其首隨之。不見其後。暫住非天。長存非壽。稱謂智泯。虛空等久。方便之言。當如是受。

弟子品第三

夫萬法以至虛爲宗。至變非一途可應。操此者失彼。專內者忘外。此自然之勢矣。若全人者。烏可以彼此內外而名哉。故聲聞之流。各保偏見。欲無被詰。其可得乎。本經自舍利佛之宴坐。至阿難之總持。凡十弟子。雖所執不同。而受呵一也。今不復徧舉。但會其趣云。頌曰。大道不器。大方無隅。至人乘化。何德之拘。譬夫百體兼愛。冥符既非。獨毀亦莫。偏譽萬法。萬善于何。作見道不可取。塵胡足遣。有合皆如。無行不踐。孰爲晏坐。孰爲總持。我將得是。誰復留非。是非一對。物我交疲。故爲者敗之。執者失之。無爲無執。敗失疇依。嗟嗟衆賢。聲聞第一。或欲實于諸空。或欲空于一實。觸憶成呵。臨緣會詰。自疾未除。安能問疾。

菩薩品第四

夫殆庶之士。去道猶一間耳。而羅縠終隔。不亦病哉。故金粟縱忘言之言。辨無得之得。盡破諸相。直造大方。菩薩所以見善必遷。而聞義彌服矣。然彌勒光嚴持世善德四聖人者。皆親炙妙訓。超證上乘。今乃自誦于一時。迭和于幽唱。亦以同獎大教。非優劣之言也。故歷敘本行。而疑其分身云。頌曰。過去已滅。當來未至。交臂不停。誰爲正位。敢問彌勒。將焉受記。至人投足。莫匪大方。還形法侶。卽物真揚。敢問光嚴。淨上何鄉。至真無真。諸有非有。帝釋施女。天魔稽首。敢問持世。胡爲弗受。有施必盡。有報必疲。一法都泯。羣生自熙。敢問善德。何財施爲。聲須叩鳴。道以人博。不有風斤。奚彰鼻壘。超迹示化。分身解縛。大士相資。孰究孰度。

文殊問疾品第五

夫淨名之談。本託于病。其要以謂菩薩與衆生一體。安穩與病惱同源。悟則疾愈而無衆生。迷則病興而累慈父。累本無物。故聖人受大患而弗辭。慈亦無緣。故悲心貫徹。而彌厲復尋斯要。其權智而已乎。是則一室之談。乃十方之拯溺。四體之苦。誠萬物之良醫。濟度之功。于此爲大。頌曰。示疾之端。請研妙意。菩薩無疾。衆生有累。累則病始。悲心作矣。譬夫拯溺。先濡厥趾。將度生死。理無獨異。嗟爾有情。相靡相傾。貪愚齊汨。煩惱根英。虺蛇伏篋。怨賊持兵。毒中慘外。何苦能名。至慈匪緣。至真不有。我病無形。我形非受。卽幻爲藥。因生亦醜。彼如有痊。此亦何咎。一牀之臥。一室之空。衆魔作侍。諸見來同。徜徉象外。溟津環中。善哉此會。澤浸無窮。

不思議品第六

夫心而思口而議。常人之情也。若思之不得其始。議而不測其終。心口之識已殫。變化之功彌大。則向之思議者。得無惑哉。窮神者不思。極變者不議。神變自爾。于我無爲。至若舉世界于鍼鋒。納妙高于芥子。毛孔受四海之水。丈室包須彌之牀。自神而觀。皆應之粗迹。而昧者挈挈然欲求于忖度之內。不亦左乎。惟虛而融之。然後解脫之門。可得而闕矣。頌曰。心識所到。是可思議。思議非及。乃爲真諦。真諦本空。真空不二。無空之真。遂超實際。請問此法。將焉寄名。汪汪其大。杳杳其精。不動而無。不動不生。而無不生。至虛可實。至晦可明。芥粒藏山。毛根注海。寶坐由旬。陶輪世界。彼入不知。此容無閔。本相皆如。真樞詎改。大士惟神。用之靡勤。至權反道。至智同塵。二乘迫隘。感想紛綸。三世諸佛。同歸此因。

觀衆生品第七

夫昏寢者非大呼而不覺。狂驚者非至疲而不復。上聖卓然。哀真性之自溺。又知諸相之非實。故巧諭以曉其惑。縱苦以疲其心。竅夫昧者之自昭。勞者之自止。則向之譬諭苦惱。同爲一妄。妄旣去矣。自然實相。衆生正觀。其在是乎。經曰。如幻師觀所幻人。則真意明矣。頌曰。茫茫羣生。本一真性。少念或差。千波莫定。覺外合塵。迷中認影。三界狴牢。四生檻穽。狂走昏衢。羣嬉苦境。卓爾大士。知物本無。幻人教幻。吾體分吾。權空遣實。假妙損羸。千因藥倦。萬譬針愚。諄諄度人。種種非己。洪纖一吹。幽明一視。惱之非怒。愛而執譽。無作而緣。無爲而恃。茲名說法。茲謂行慈。天不擇人而覆。雨不擇物而滋。菩薩之惠。平等之悲。我爲是觀。

何慮何思。

佛道品第八

夫道非遠人而人自忘道。此品之旨。以謂塵勞。卽清淨之體。生死卽解脫之根。而羣動糾紛。眞性流宕。先覺之士。乃強名佛道。以正之。正之之方。必久處塵勞。而安住生死。然後能功被于無外。智周于無內。一念所及。諸相皆如。非天下之至精。其孰能預于此矣。頌曰。法無可名。寄之佛道。道無可異。同之法寶。何大弗圓。胡微弗造。萬表賦陰。千聲應考。以善爲善。善則非眞。以垢爲垢。垢則成塵。眞善者。因善而離相。無垢者。卽垢而明。因譬欲寶珠。沈淵乃獲。譬欲青蓮。憑泥後植。豨牧雖下。監之善職。烏喙彌毒。工之惡石。佛道如是。佛種亦然。羣生共體。諸業同緣。何去何就。隨照隨圓。二聖相發。音流大千。

入不二法門品第九

夫道者何也。至眞極妙。無爲之稱也。常存于算數之表。獨化于有無之外。不可以一一。不可以言言。一若可言。則一與言爲二。言而可二。則二與一爲三。自此以往。巧歷不能舉其要。而況其流乎。是以聖人知萬法之彌綸。億計之差別。皆出于妙本。而攝以眞乘。眞乘之門。入則無二。二而不得其偶。一斯盡矣。寧必除一而謂之至乎。毗邪默然。義在于此。頌曰。法有萬門。宗無別諦。妙不可一。眞胡取二。衆聖隨方。聊存遠寄。悟入殊因。圓明共味。茫茫巨浸。赴者百川。到無前後。終爲大淵。夫何淨名。乃曰眞入。性相皆離。思量靡及。仁者辨法。于法有言。言既有矣。名何一焉。文殊雖言。言于無說。無旣言矣。攀援未絕。超相踰言。是謂默然。

淡弗調而味足。琴無鼓而聲全。茲法門之不二。又何得以稱旃。

香積佛品第十

夫祛近惑者。必標至遠之趣。開常見者。必舉非凡之境。然後解耳目之縛。平智慮之封。內外曠然。始造真域。此品之旨。以爲香積無上之界。寶飯普重之慈。乃釋累之妙筌。融神之化國爾。使庶幾之士。因茲領解。必能遺其所寄。而涉乎大方。無捨無求。然後爲善矣。頌曰。巍巍上方。粵有真場。不立他法。惟聞妙香。河沙四十道右。而長希微其野。眇莽其疆。淨飯惟馨。寶器惟潔。孰往取之。捐梯泯轍。甘露其味。大悲其熏。孰能銷之。悟法離塵。香界惟何。高遐若彼。返照循元。迷悟而已。香飯惟何。普濟如斯。稱根付飽。粗妙之資。是謂冥權。是稱寶智。幽唱無響。孤風超詣。卻顧下方。居然不二。敢告人天。領其標致。

菩薩行品第十一

夫至精而不能暢。至異而不能同。有累之大者也。故此品覆解香土之高妙。乃鄙穢之筌蹄。懼夫聲聞之流。因而取相。且魚獲則筌棄。鳥盡而弓藏。鄙穢之累。既祛。高妙之名。亦滅。若將舍一而取一。其患寧有既乎。故香國衆賢。悔生劣想。迦文大訓。兼忘有爲。慈音一宣。內外咸濟矣。頌曰。香國衆行。跼蹐大千。聿來下土。將契鴻緣。於穆迦文。奄荒法界。值相觀空。逢言作解。惟彼大士。悔生劣想。祇聽我辯。疑情自蕩。想何爲劣。穢淨是分。靈照一區。浩然無垠。疑何爲蕩。斷常皆去。不盡有爲。無爲不住。有爲而無所有。無爲而無不爲。三乘我出。萬行焉依。法門若是。真諦胡疑。

阿闍佛品第十二

夫垂至妙之言者。必存至妙之實。聞言觀實。然後學者信而不懈。信而不懈。則道將爲一道。爲一則言皆妙。而妙皆實矣。故至人神奇于外。深根于內。若妙喜之寶界。無動之尊顏。于彼之所生。于此之所化。未始非實。而昧者不知。必覩相而後欣。造形而後悟。陶冶蠱滯。會歸冥極。則示權顯相。其得已乎。此品之宗。義則然矣。頌曰。洪惟妙果。必有妙因。厥德無上。其功乃神。無動之尊。妙喜之域。萬善所藏。鴻緣所宅。龍象未躋。人天坐隔。無垢是生。維摩詰無垢稱也。馮儀孔碩。善逝稱揚。欲顯其方。冥權普會。至變交相。不興于坐。不習其祥。斷取淨界。聿來茲疆。不念所臻。萬物咸覩。切理循階。婆娑接武。以空入空。無去無取。清淨現前。莊嚴篤祐。大衆已覩。復歸其所。

法供養品第十三

夫陳玉帛。鳴鍾鼓。事神之末也。具衣食。張室廬。懷民之細也。誠苟不至。物將爲累。況希微無上之法。寂滅忘言之精。欲以像刹之蠱緣。死生之穢業。求其妙證。不亦難乎。故天帝曉殖福之甚多。月蓋悟深經之最上。賢刳大士。因之受記。則供養之勝。捨法何言哉。頌曰。道有所寄。心必生恭。人天雖異。歸仰攸同。其歸安歸。歸法實相。其仰安仰。仰法無上。相已實而何歸。上旣無而曷仰。其知此者。是名供養。若大千界。若一劫時。稻麻衆聖。香路多儀。四天樹刹。七寶栽基。施寧有量。福亦無涯。至哉妙音。顯厥真理。謂相終淪。謂塵曷恃。一念回嚮。福多于彼。寶蓋因緣。提柏踐履。寧異人乎。我身如是。

囑累品第十四

夫道無限斷。世有來今。無限斷則歷羣聖而一如。有來今則揭大事以相付。諸篇必以囑累爲末者。亦未濟終焉之義乎。頌曰。教不孤運。心以契傳。源開派萬。照一燈千。丕承慧命。肯構鴻緣。稽首彌勒。茲無讓焉。

